

人物(多宦)

經遠通志稿卷八十七下第一〇二頁

綏遠通志稿卷八十七下

人物(鄉宦)

隋

宇文述字伯通代武川人本姓破野頭役屬鮮卑俟豆歸後從其主為宇文氏父盛周上柱國述少驍銳便弓馬開皇初拜右衛大將軍平陳之役以行軍總管率衆三萬自六合而濟時韓擒虎賀若弼兩軍趣丹陽述進據石頭以為聲援陳主既擒而蕭巘蕭巖據東吳之地擁兵拒守述領行軍總管元契張默言等討之水陸兼進巘立柵於晉陵城東又絕塘道留兵拒述巘自義興入太湖圖掩述後述進破其柵迴兵擊敗巘大敗之斬巘司馬曹勒義進至奉公埭蕭巖陳君範等以會稽降吳會悉平以功拜一子開府拜安州總管時晉王廣鎮揚州奏為壽州刺史總管及晉王為皇太子以述為

左衛率煬帝嗣位拜左衛大將軍封許國公大業三年加開
府儀同三司從幸榆林吐谷渾遣使請降帝令述以兵屯西
平之臨羌城撫納降附吐谷渾見述擁強兵懼不敢降遂西
遯述領鷹揚郎將梁元禮張峻崔師等追至曼頭城攻拔之
斬三千餘級乘勝至赤水城復拔之其餘黨走屯邱尼川述
進擊大破之獲其王公尚書將軍二百人前後虜男女四千
口而還渾主南走雪山其故地皆空帝大悅明年從帝西幸
巡至金山登燕支述每為斥候時渾賊復寇張掖進擊走之
還至江都宮勅述與蘇威常典選舉參預朝政述時貴重委
任與蘇威等其親愛過之及征高麗九軍敗績除名為民明
年復述官爵從至遼東復臨鴨綠水會楊玄感作亂召述班
師令赴河陽發諸郡兵以討玄感玄感懼而西遯將圖關中

述等躡至閩鄉。皇天原與玄感相及。述與來護兒列陣當其
前。遣突厥通以奇兵擊其後。大破之。遂斬玄感。復從東征。至
懷遠而還。述於江都遇疾。及薨。贈司徒尚書令。諡曰恭。
龐晃。字元顯。榆林人也。父虬。周驃騎大將軍。晃少以良家子。
刺史杜達召補州都督。周太祖既有關中。署晃大都督。領親
信兵。常置左右。晃因徙居關中。後遷驃騎將軍。襲爵比陽侯。
衛王直出鎮襄州。晃以本官從。尋與長湖公元定擊江南。孤
軍深入。遂沒於陣。數年。衛王直遣晃弟車騎將軍元儁齎絹
八百匹贖焉。乃得歸朝。拜上儀同。復事衛王。時高祖出為隨
州刺史。路經襄陽。衛王令晃詣高祖。晃知高祖非常人。深自
結納。及高祖去官歸京師。晃迎見高祖於襄邑。高祖甚歡。晃
因白高祖曰。公相貌非常。名在圖籙。九五之日。幸願不妄。高

祖笑曰何妄言也。頃之有一雄雉鳴於庭。高祖命晃射之。曰：中則有賞。然富貴之日，持以為驗。晃既射而中，高祖撫掌大笑曰：此是天意。公能感之而中也。因以二婢賜之。情契甚密。武帝時，晃為常山太守。高祖為定州總管，屢相往來。俄而高祖轉亳州總管，將行，意甚不悅。晃因白高祖曰：燕代精兵之處，今若動衆，天下不足圖也。高祖握晃手曰：時未可也。晃亦轉為車騎將軍。及高祖為揚州總管，奏晃同行。既而高祖為丞相，進晃位開府，命督左右，甚見親待。及踐阼，謂晃曰：射雉之符，今日驗不？晃再拜曰：陛下應天順民，君臨宇內，猶憶曩日之言，不勝慶躍。上笑曰：公之此言，何得忘也？尋加上開府拜右衛將軍。進爵為公。河間王弘之擊突厥也，晃以行軍總管從至馬邑。迂路出賀蘭山，擊賊破之，斬首千餘級。晃性剛。

悍時廣平王雄當塗用事勢傾朝廷。晃每陵侮之。嘗於軍中
卧見雄不起。雄甚銜之。復與高穎穎有隙。二人屢譖晃。由是宿
衛十餘年。官不得進出。為懷州刺史。數歲遷原州總管。仁壽
中卒。官年七十二。諡曰敬。

案隋之榆林郡屬勝州。統縣三。曰榆林、富昌、金河。在今托
克托縣。及準格爾旗界。龐晃既為榆林人。則紀隋代之綏
省人物。自不得遺。晃於鄉宦之外。更不得以。今之榆林屬
陝西。而以晃為陝西人也。爰采隋書晃傳。並說明其籍貫
如此云。

侯莫陳穎。字遵道。代人也。少有器量。風神警發。為時輩所推。
魏大統末。以父軍功。賜爵廣平侯。周武帝時。從滕王道擊龍
泉。攻城叛胡。穎懸軍五百餘里。破其三柵。先是稽胡叛亂。輒

略邊人為奴婢。至是詔胡有壓匿良人者，誅籍沒其妻子。有人言為胡村所隱匿者，召其渠帥以隱匿者付之，令自歸首。羣胡感悅，爭來降附。北土以安，遷司武，加振威中大夫。高祖受禪，加上開府，進爵昇平郡公。平陳之役，以行軍總管從。秦王俊出魯山道，渡江安集，初附。遷瀛州刺史，甚有惠政。坐與秦王俊交通，免官。百姓送者莫不流涕，因立碑頌穎清德。未幾，拜邢州刺史。仁壽中，吏部尚書牛宏持節巡撫山東，以穎為第一。高祖嘉歎，優詔褒揚。時朝廷以嶺南刺史縣令多貪鄙，蠻夷怨叛，妙簡清吏以鎮撫之。於是徵穎入朝，進位大將軍，拜桂州總管十七州諸軍事。及到官，大崇恩信，民夷悅服。煬帝即位，穎兄芮坐事徙邊，恐穎不自安，徵還京師。數年，拜恒山太守。其年嶺南閩越多不附，帝以穎為南土所信，伏復。

拜南海太守。卒官諡曰定。達，奚長儒，字富仁，代人也。祖俟，魏定州刺史。父慶，驃騎大將軍。長儒少懷節操，膽烈過人。十五襲爵樂安公。魏大統中起家奉車都尉。周太祖引為親信。天和中除渭南郡守，遷驃騎大將軍。宣政元年除左前軍勇猛中大夫。後與烏丸軌圍陳將吳明徹於呂梁，大破之，俘數千人，獲吳明徹。以功進位大將軍。高祖受禪，進位上大將軍，封蘄春郡公。開皇二年突厥沙鉢略可汗并弟葉護及潘那可汗衆十餘萬寇掠而南，詔以長儒為行軍總管，率衆二千擊之。遇於周槃，衆寡不敵，軍中大懼。長儒慷慨，神色愈烈，為虜所衝突，散而復聚，且戰且行。轉鬪三日，五兵咸盡。士卒以拳毆之，手皆見骨，殺傷萬計。虜氣稍奪，於是解去。長儒身被五瘡，通中者二。其戰士死傷

者十八九突厥本欲大掠秦隴既逢長儒兵皆力戰虜意大
沮明日於戰處焚屍慟哭而去高祖下詔曰突厥猖狂輒犯
邊塞犬羊之衆彌亘山原而長儒受任北鄙式遏寇賊所部
之內少將百倍以晝通宵四面抗敵凡十有四戰所向必摧
兇徒就戮過半不反鋒刃之餘亡魂竄迹自非英威奮發奉
國情深撫御有方士卒用命豈能以少破衆若斯之偉言念
勳庸宜隆名器可上柱國餘勳迴授一子其年授寧州刺史
尋轉鄜州刺史母憂去職起為夏州總管三州六鎮都將事
復轉荊州總管三十六州諸軍事高祖謂之曰江陵要害國
之南門今以委公朕無慮也歲餘卒官諡曰威
杜彥雲中人父遷徙豳彥性勇果善騎射仕周釋褐左侍上
士後從柱國陸通擊陳將吳明徹於土州破之又擊叛蠻尅

倉埴白楊二柵并斬其渠帥進平郢州賊帥樊志以戰功拜
大都督明年拜隴州刺史賜爵永安縣伯高祖為丞相從韋
孝寬擊尉遲迴於相州每戰有功進位上開府改封襄武縣
侯拜魏郡太守開皇初授丹州刺史進爵為公平陳之役以
行軍總管進軍至南陵賊屯據江岸彥遣儀同樊子蓋率精
兵擊破其柵獲船六百餘艘渡江擊南陵城拔之擒其守將
許翼及陳平進位柱國賜子寶安爵昌陽縣公高智慧等作
亂復以行軍總管從楊素討之別解江州圍智慧餘黨聚溪
洞彥水陸兼進攻錦山陽父若石壁四洞悉平之皆斬其渠
帥又擊徐州宜豐二洞悉平之拜洪州總管甚有治名歲餘
雲州總管賀婁子幹卒後數日上曰吾思可以鎮榆林莫過
杜彥於是徵拜雲州總管突厥來寇彥輒擒斬之北夷畏憚

胡馬不敢至塞。後數年，追錄前功，賜子寶虔爵承縣公。十八年，遼東之役，以行軍總管從。漢王至營州，上以彥曉習軍旅，令總統五十營事。及還，拜朔州總管。以彥素為突厥所憚，復拜雲州總管。未幾，以疾徵還。卒年六十。

獨孤羅，字羅仁，雲中人。父信，隨魏孝武入關中。羅為高氏所囚，及信為宇文護誅，羅始見釋，寓居中山。孤貧無以自給，齊將獨孤永業以宗族故，哀之，遺以資畜。初，信入關後，娶二妻：郭氏生六子，善、穆、藏、順、隋、整；崔氏生隋、獻。皇后及齊亡，隋文帝為定州總管，獻皇后遣人求羅，得之。周武帝以羅功臣子，久淪異域，徵拜楚安郡太守。文帝為丞相，拜羅儀同。既受禪，詔追贈羅父，其諸弟以羅母沒齊，先無夫人號，不當承襲。上以問后，后曰：「羅誠嫡長，不可誣也。」於是襲爵趙國公，擢拜左

領將軍遷左衛將軍出為涼州總管進位上柱國徵拜左武
衛大將軍煬帝嗣位改封蜀國公未幾卒官諡曰恭
闔毗榆林盛樂人祖進魏本郡太守父慶周上柱國寧州總
管毗七歲襲爵石保縣公高祖受禪拜車騎宿衛東宮上嘗
遣高頰大閱於龍臺澤諸軍部伍多不齊整唯毗一軍法制
肅然特蒙賜帛俄兼太子宗衛率長史尋加上儀同及太子
廢毗坐配後二歲放免為民煬帝嗣位盛修軍器以毗性巧
詔典其職尋授朝請郎擢拜起部郎及帝有事恒岳詔毗營
立壇場尋轉殿內丞從幸張掖郡高昌王朝於行所詔毗持
節迎勞遂將護入東都尋以母憂去職未暮起令視事將興
遼東之役自洛口開渠達於涿郡以通運漕毗督其役明年
兼領右翊衛長史營建臨朔宮及征遼東以本官領武賁郎

將典宿衛。後復從帝征遼東。還至高陽。暴卒。年五十。贈殿內監。

宇文忻字仲樂。本朔方人。徙京兆。祖莫豆于。魏安平公。父貴。周大司馬許國公。忻幼而敏慧。兒時與羣兒戲。勒以部伍。無不用命。識者異之。年十二。能左右馳射。驍捷若飛。恒謂所親曰。自古名將。唯以韓白衛霍為美談。吾察其行事。未足多尚。若使與僕並時。不令豎子獨擅高名也。年十八。從周齊王憲討突厥。有功。拜儀同三司。賜爵興固縣公。韋孝寬之鎮玉壁也。以忻驍勇。請與同行。屢戰有功。加位開府驃騎將軍。進爵。化政郡公。從武帝伐齊。攻拔晉州。齊後主親馭六軍。兵勢甚盛。帝憚之。欲旋師。忻諫曰。以陛下之聖武。乘敵人之荒縱。何往不克。若使齊人更得令主。君臣協力。雖湯武之勢。未易平。

也。今主暗臣愚，兵無鬪志。雖有百萬之衆，實為陛下奉耳。帝從之。戰遂大克。及帝攻陷并州，先勝後敗。帝為賊所窘，諸將多勸帝還。忻勃然而進曰：「自陛下克晉州，破高緯，乘勝逐北，以至於此，致令偽主奔波關東，響振自古。行兵用師，未有若斯之盛也。昨日破城，將士輕敵，微有不利，何足為懷。丈夫當死中求生，敗中取勝。今者破竹，其勢已成，奈何棄之而去？」帝納其言，明日復戰，遂拔晉陽及齊平。進位大將軍，賜物千段。尋與烏丸軌破陳將吳明徹於呂梁。進位柱國，賜奴婢二百口。除豫州總管。高祖龍潛時，與忻情好甚協。及為丞相，恩顧彌隆。尉遲迥作亂，以忻為行軍總管。從韋孝寬擊之。時兵屯河陽，諸軍莫敢先進。帝令高顛馳驛監軍，與顛密謀進取者。唯忻而已。迥遣子惇盛兵武陟，忻先鋒擊走之。進臨相州，迥

遣精甲三千伏於野馬岡欲邀官軍忻以五百騎襲之斬獲
略盡進至草橋迴又拒守忻率奇兵擊破之直趨鄴下迴背
城結陣與官軍大戰官軍不利時鄴城士女觀戰者數萬人
忻與高頰李詢等謀曰事急矣當以權道破之於是擊所觀
者大囂而走轉相騰藉聲如雷霆忻乃傳呼曰賊敗矣衆軍
復振齊力急擊之迴軍大敗及平鄴城以功加上柱國高祖
顧謂忻曰尉遲迴傾山東之衆連百萬之師公舉無遺策戰
無全陣誠天下之英傑也進封英國公增邑三千戶自是以
後每參帷幄出入卧内禪代之際忻有力焉後拜右領軍大
將軍恩顧彌重忻妙解兵法馭戎齊整當時六軍有一善事
雖非忻所建在下輒相謂曰此必英公法也其見推服如此
後改封杞國公上常欲令忻率兵擊突厥高頰言於上曰忻

有異志。不可委以大兵。乃止。上由是微忌焉。以謹去官。陰圖不軌。謀洩。伏誅。年六十四。

揚處綱。高祖族父也。生長北邊。少習騎射。在周嘗以軍功拜上儀同。高祖受禪。贈其父鍾葵為柱國尚書令。義城縣公。以處綱襲焉。授開府督武侯事。尋為太子宗衛。率轉左監門郎將。後數載。起授右領軍將軍。處綱雖無才藝。而性質直。在官彊濟。亦為當時所稱。尋拜蒲州刺史。吏民悅之。進位大將軍。後遷秦州總管。卒。官諡曰恭。

楊義臣。代人也。本姓尉遲氏。父崇。仕周儀同大將軍。以兵鎮恒山時。高祖甚親待之。及為丞相尉遲迥作亂。崇以宗族之故。自囚於獄。遣使請罪。高祖下書慰諭之。即令馳驛入朝。恒置左右。開皇初。封秦興縣公。歲餘。從行軍總管達奚長儒擊

突厥於周槃力戰而死。贈大將軍、豫州刺史。以義臣襲崇官爵。時義臣尚幼，養於宮中。年未弱冠，奉詔宿衛。如千牛者數年，賞賜甚厚。上嘗從容言及恩舊，顧義臣嗟歎久之。因下詔賜姓楊氏。未幾，拜陝州刺史。義臣性謹厚，能馳射，有將領之才。由是上甚重之。其後突厥達頭可汗犯塞，以行軍總管率步騎三萬出白道，與賊遇戰，大破之。明年突厥又寇邊，雁門、馬邑多被其患。義臣擊之，虜遂出塞。因而追之，至大斤山與虜相遇。時太平公史萬歲軍亦至，義臣與萬歲合軍擊虜，大破之。仁壽初，拜朔州總管。煬帝嗣位，漢王謀作亂，并州代州總管李景為漢王將，喬鍾葵所圍。詔義臣救之，義臣率步騎二萬，夜出西陁，遲明行數十里。鍾葵覘見，義臣兵少，悉衆拒之。鍾葵亞將王拔驍勇，善用稍射之者，不能中。義臣患之。

募能當拔者。車騎將軍楊思恩請當之。義臣賜以卮酒。思恩望見拔立於陣後。投觴於地。策馬赴之。再往不剋。義臣復選騎士十餘人從之。思恩遂突擊殺數人。直至拔麾下。短兵方接。所從騎士退。思恩為拔所殺。拔遂乘之。義臣軍北者十餘里。義臣自以兵少。悉取軍中牛驢。得數千頭。復令兵數百人持一鼓。潛驅之。澗谷間。義臣晡後復與鍾葵軍戰。兵初合。命驅牛驢者疾進。一時鳴鼓塵埃。張天。鍾葵軍不知以為伏。兵發因而大潰。縱擊破之。以功進位上大將軍。尋授相州刺史。後三歲。徵為宗正卿。未幾轉太僕卿。從征吐谷渾。其後復征遼東。至鴨綠水。與乙支文德戰。每為先鋒。一日七捷。後與諸軍俱敗。竟坐免。俄而復位。明年班師。時渤海高士達、清河張金稱並相聚為盜。衆已數萬。攻陷郡縣。帝遣將軍段達討

之不能剋。詔義臣率遼東還兵數萬擊之。大破士達。斬金稱。又收命降賊入豆于。討格謙擒之。以狀聞奏。帝惡其威名。遽追入朝。賊由是復盛。義臣以功進位光祿大夫。尋拜禮部尚書。未幾卒官。

賀婁子幹。字萬壽。本代人也。隨魏氏南遷。世居關右。子幹少以驍武知名。周武帝時。釋褐司水。土上士稱為強濟。累遷小司水。以勤勞封思安縣子。俄授使持節儀同大將軍。大象初。領軍器監。尋除秦州刺史。進爵為伯。及尉迴作亂。子幹與宇文司錄從韋孝寬討之。遇賊圍懷州。子幹與宇文述等擊破之。及破鄴城。與崔弘度逐迴。至樓上。進位上開府。封武川縣公。開皇元年。進爵鉅鹿郡公。其年吐谷渾寇涼州。子幹以行軍總管從上柱國元諧擊之功最優。詔褒美。高祖慮邊塞未

安即令子幹鎮涼州。明年突厥寇蘭川，子幹率衆拒之，至可
洛峽山與賊相遇，賊衆甚盛，子幹阻川為營，賊軍不得水，數
日人馬甚敝，縱擊大破之。於是冊授子幹為上大將軍，徵授
營新都副監，尋拜工部尚書。其年突厥復犯塞，以行軍總管
從竇榮定擊之。子幹別路破賊，斬首千餘級。高祖嘉之，子幹
請入朝，詔令馳驛奉見。吐谷渾復寇邊，西方多被其害，命子
幹討之。馳驛至河西，發五州兵入掠其國，殺男女萬餘口。二
旬而還。高祖以隴西頻被寇掠，甚患之。彼俗不設村塢，勅子
幹勒民為堡，營田積穀以備不虞。子幹上書曰：「比者兇寇侵
擾，蕩滅之期匪朝。伊夕伏念，聖慮勿以為懷。今臣在此，觀机
而作，不得準詔行事。且隴西河右土曠民稀，邊境未寧，不可
廣為田種。比見屯田之所，獲少費多，虛役人功，卒逢踐暴，屯

田疎遠者請皆廢省。但隴右之民以畜牧為事。若更屯聚。彌不獲安。只可嚴謹斥候。豈容集人聚畜。請要路之所。加其防守。但使鎮戍連接。烽候相望。民雖散居。必謂無慮。高祖從之。俄而虜寇岷洮二州。子幹勒兵赴之。賊聞而遁去。高祖以子幹曉習邊事。授榆關總管。十鎮諸軍事。歲餘拜雲州刺史。甚為虜所憚。後數年。突厥雍虞閭遣使請降。并獻羊馬。詔以子幹為行軍總管。出西北道。應接之。還拜雲州總管。以突厥所獻馬百匹、羊千口。以賜之。乃下詔曰。自公守北門。風塵不警。突厥所獻。還以賜公。母憂去職。朝廷以榆關重鎮。非子幹不可。尋起視事。十四年。以疾卒。官時年六十。贈懷魏等四州刺史。諡曰懷。

李徹。字廣達。朔方人。性剛毅。有器幹。偉容儀。多武藝。大冢宰。

宇文護引為親信。尋拜殿中司馬。累遷奉車都尉。未幾拜車騎大將軍。儀同三司。武帝時從皇太子西征吐谷渾。以功賜爵同昌縣男。從帝拔晉州。復從破齊師於汾北。乘勝下高壁。拔晉陽。擒高潛於冀州。俱有力焉。錄前後功。加開府。別封蔡陽縣公。宣帝即位。從韋孝寬略定淮南。每為先鋒。及淮南平。即授淮州刺史。安集初附。甚得其歡心。高祖受禪。加上開府。轉雲州刺史。歲餘。徵為左武衛將軍。及晉王廣之鎮并州也。朝廷妙選正人。有文武才幹者為寮佐。上以徹前代舊臣。數持軍旅。詔徹總晉王府軍事。進爵齊安郡公。時蜀王秀亦鎮益州。上謂侍臣曰。安得文同王子相。武如李廣達者乎。其見重如此。明年突厥沙鉢略可汗犯塞。上令衛王爽為元帥。率衆擊之。以徹為長史。遇虜於白道。行軍總管李允言於爽曰。

周齊之世有同戰國中夏力分其來久矣突厥每侵邊諸將
輒以全軍為計莫能死戰由是突厥勝多敗少所以每輕中
國之師今者沙鉢略悉國內之衆屯據要險必輕我而無備
精兵襲之可破也爽從之諸將多以為疑唯徹獎成其計請
與同行遂與允率精騎五千出其不意掩擊大破之沙鉢略
棄所服金甲潛草中而遁以功加上大將軍沙鉢略因此屈
膝稱藩未幾沙鉢略為阿拔所侵上疏請援以徹為行軍總
管率精騎一萬赴之阿拔聞而遁去及軍還復領行軍總管
屯平涼以備胡寇封安道郡公開皇十年進位柱國及晉王
廣轉牧淮海以徹為揚州總管司馬改封德廣郡公尋徙封
城陽郡公其後突厥犯塞徹復領行軍總管擊破之左僕射
高頴之得罪也以徹素與頴相善因被疎忌不復任使後出

怨言上聞而召之入卧内賜宴言及平生因遇鴆而卒
史祥字世休朔方人少有文武才幹仕周太子車右中士襲
爵武遂縣公高祖踐阼拜儀同領交州事進爵陽城郡公祥
在州頗有惠政後數年轉驃騎將軍伐陳之役從宜陽公王
世積以舟師出九江道先鋒與陳人合戰破之進拔江州上
聞而大悅下詔曰朕以陳叔寶世為僭逆挺虐生民故命諸
軍救彼塗炭小寇狼狽顧恃江湖之險遂敢汎舟檝擬抗王
師公親率所部應機奮擊沉溺俘獲厥功甚茂又聞帥旅進
取江州行軍總管襄邑公賀若弼既獲京口新義公韓擒尋
尅姑熟驃騎既渡江岸所在橫行晉王兵馬即入建業清蕩
吳越旦夕非遠驃騎高材壯志是朕所知善為經略以取大
賞使富貴功名永垂竹帛也進位上開府尋拜蘄州總管後

以行軍總管從晉王廣擊突厥於靈武。破之。遷右衛將軍。仁壽中。率兵屯弘化。以備胡。煬帝即位。漢王諒發兵作亂。遣其將綦良自滏口徇黎陽。塞白馬津。余公理自太行下河內。帝以祥為行軍總管。軍於河陰。久不得濟。祥謂軍吏曰。余公理輕而無謀。才用素不足稱。又新得志。謂其衆可恃。恃衆必驕。且河北人先不習兵。所謂擁市人而戰。以吾籌之。不足圖也。乃令軍中修攻具。公理使諜知之。果屯兵於河陽內城。以備祥。祥於是艤船南岸。公理聚甲以當之。祥乃簡精銳於下流。潛渡。公理率衆拒之。東趣黎陽。討綦良等。良列陣以待。兵未接。良棄軍而走。於是其衆大潰。祥縱兵乘之。殺萬餘人。進位上大將軍。轉太僕卿。尋遷鴻臚卿。時突厥啟民可汗請朝。帝遣祥迎接之。從征吐谷渾。祥率衆出間道擊虜。破之。進位左

光祿大夫。拜左驍衛將軍。及遼東之役。出躡頓道。不利而還。由是除名為民。俄拜燕郡太守卒。

案後魏勳閥諸族。多與拓拔氏同起。北方統稱代人。自隨孝文帝南遷京洛。遂皆著籍於河南。如長孫。宇文。獨孤。賀若諸姓。其父祖名氏見於魏書。北史者曰代人。武川人。懷朔人者不一而足。顧其子孫名字見於隋書者。則往往指為河南洛陽人。既為洛陽人。便與綏省無關。故本篇於西魏取賀若敦而於隋朝不取其子賀若弼。亦正以史傳所載有代人。洛人之異耳。其他諸姓。此例亦多。酌而取之。要以諸史著籍為斷。非有愛憎抑揚存於其間也。

↑唐

李安遠。夏州朔方人。隋雲州刺史。徹子也。家富於財。少從博。

徒不逞。晚始折節讀書。敬慕士友。襲父爵城陽公。及義兵攻絳郡。安遠與通守陳叔達嬰城自守。城陷。高祖與安遠有舊。馳至其宅。撫慰之。引與同食。拜右翊衛統軍。封正平縣公。武德元年。授右武衛大將軍。從太宗征伐。特蒙恩澤。累戰功。改封廣德郡公。又使於吐谷渾。與敦和好。於是吐谷渾主伏允請與中國互市。安遠之功也。後隱太子建成潛引以為黨。援安遠固拒之。由是太宗益加親信。貞觀初。歷潞州都督。懷州刺史。歷任頗有聲績。然傷於嚴急。時論少之。七年卒。追贈涼州都督。諡曰密。

阿史那社尒突厥處羅可汗之次子。年十一。以智勇聞。拜拓設。建牙磧北。與頡利子欲谷設分統鐵勒。回紇僕骨同羅諸部。處羅卒。哀毀如禮。治衆十年。無課斂。或勸厚賦以自奉。答

曰部落豐餘於我足矣故首領咸愛之會頡利滅西突厥統
葉護又死由是率衆內屬貞觀十年入朝授左驍衛大將軍
處其部於靈州詔尚衡陽長公主為駙馬都尉典衛屯兵十
四年以交河道行軍總管平高昌詔檢校北門左屯營封畢
國公從征遼東中流矢擢去復戰所部奮厲皆有功還擢兼
鴻臚卿二十一年以崑丘道行軍大總管與契苾何力郭孝
恪楊弘禮李海岸等五將軍發鉄勒十三部及突厥騎十萬
討龜茲王據大撥換城嬰險自固社尒攻凡四十日入之禽
其王并下五大城遣左衛郎將權祗甫徇諸酋長示禍福降
者七十餘城宣諭威信莫不歡服刻石紀功而還因說于闐
王入朝王獻馬畜三百餉軍西突厥馬者安國皆爭犒師孝
恪之在軍牀帷器用多飾金玉以遺社爾社爾不受帝聞曰

二將優劣不復問人矣。帝崩，請以身殉衛陵寢。高宗不許，遷右衛大將軍。永徽六年卒，陪葬昭陵。治冢象蔥山，諡曰元阿史那忠者，字義節，蘇尼失子也。資清謹，以功擢左屯衛將軍。尚宗室女，定襄縣主。始詔姓，獨著史。居父喪，哀慕過人。會立阿史那思摩為突厥可汗，以忠為左賢王。及出塞，不樂見使者，必泣請入侍，許焉。封薛國公，擢右驍衛大將軍、宿衛四十八年，無纖隙。人比之金日磾，卒贈鎮軍大將軍，諡曰貞陪葬昭陵。

軍

執失思力突厥酋長也。貞觀中，護送隋蕭后入朝，授左領將軍。會頡利敗，太宗令思力諭降渾斛薩部落，稍親近。帝逐兔苑中，思力諫曰：「陛下為四海父母，乃自輕。」臣竊殆之。帝異其言，及討遼東，詔思力屯金山道，領突厥并薛延陀、延陀兵十

萬寇河南。思力示羸，不與角。賊深入至夏州，乃整陣擊敗之。追躡六百里，會毗伽可汗死，耀兵磧北而還。復從江夏王道宗破延陀，餘衆與平吐谷渾。詔尚九江公主拜駙馬都尉，封安國公。坐交房遺愛，高宗以其戰多，赦不誅。流嵩州龍朔中，以思力為歸州刺史，卒。贈勝州都督，諡曰景。思摩者，頡利族人。始畢處羅以其貌似胡人，不類突厥，疑非阿史那族類。故歷處羅、頡利、世常為夾畢特，勒終不得典兵為設。武德初，數來朝貢。高祖封為和順郡王。及其國亂，諸部多歸中國。惟思摩隨逐頡利，竟與同擒。太宗嘉其忠，除右武侯大將軍、化州都督，令統頡利舊部落於河南之地。尋改封懷化郡王。及將徙於白道之北，思摩等咸憚。薛延陀不肯出塞。太宗遣司農卿郭嗣本賜延陀璽書曰：爾在磧北，突厥

居磧南各守土境鎮撫部落若其踰越故相抄掠我即將兵
各問其罪此約既定非但有便爾身貽厥子孫長守富貴也
於是命禮部尚書趙郡王孝恭齋書就思摩部落築壇於河
上以拜之并賜之鼓纛突厥及胡在諸州安置者並令渡河
北還其舊部又以左屯衛將軍阿史那忠為左賢王左武衛
將軍阿史那泥孰為右賢王以貳之思摩下部衆渡河者凡
十萬勝兵四萬人思摩不能撫其衆皆不恆服貞觀十七年
相率叛之南渡河請分處於勝夏二州之間詔許之思摩遂
輕騎入朝策授右武衛將軍從征遼東為流矢所中太宗親
為吮血其見顧遇如此未幾卒於京師贈兵部尚書夏州都
督陪葬昭陵立墳以象白道山詔為立碑於化州
戴休顏夏州人在軍武^伍以膽畧稱大曆中為郭子儀部將以

戰功累遷至鹽州刺史奉天之難倍道以所部蕃漢三千人號泣赴難德宗嘉之賜寶封二百戶與渾瑊杜希全韓遊瓌等捍禦有功車駕再幸梁洋留守奉天及李懷光叛據咸陽使誘休顏休顏集三軍斬其使嬰城自守懷光大駭遂自涇陽夜遁其月拜檢校工部尚書奉天行營節度使李晟收京師乃與渾瑊破朱泚偏師斬首三千級休顏追賊至中渭橋李晟既清宮闕休顏與瑊等率兵赴岐陽邀擊泚餘衆及策勲加檢校右僕射封至六百戶七月扈駕至京特賜女樂甲第以褒功伐尋拜左龍武將軍貞元元年卒年五十九廢朝一日贈賻有差

楊朝晟字叔明夏州朔方人初在朔方為部軍先鋒嘗有功授甘泉府果毅建中初從李懷光討劉文喜于涇州斬獲擒

生居多授驃騎大將軍稍遷右先鋒兵馬使後李納寇徐州
從唐朝臣征討嘗冠軍鋒以功授開府儀同三司檢校太子
賓客上在奉天李懷光自山東赴難以朝晟為右廂兵馬使
將千餘人下咸陽以挫朱泚加御史中丞及懷光反於河中
朝晟被脅在軍上幸梁洋韓遊瓌退於邠寧懷光以嘗在邠
寧迫制如屬城以賊黨張昕在邠州總後務昕懼難作乃大
索軍資徵卒乘約明潛發歸於懷光時朝晟父懷賓為遊瓌
將夜後以數十騎斬昕及同謀者遊瓌即日使懷賓奉表聞
奏上召勞問授兼御史中丞正授遊瓌邠寧節度使間謀至
河中朝晟聞其事泣告懷光曰父立功於國子合誅戮不可
主兵懷光遂繫之及諸軍進圍河中韓遊瓌營於長春宮懷
賓身當戰伐及懷光平上念其忠俾副元帥渾瑊特原朝晟

用為遊瓌都虞候。時父子同軍，皆為開府賓客。後詔徵遊瓌宿衛，以張獻甫代之。貞元九年，城鹽州，徵兵以護外境。朝晟分統士馬，鎮木波堡。獻甫卒，詔以朝晟代之。其年丁母憂，起復左金吾大將軍。十三年春，朝晟奏方渠、合道、木波皆賊路也，請城其地以備之。詔問須兵幾何，朝晟奏曰：「臣部下兵自可集事，不煩外助。」復問前築鹽州，凡興師七萬，今何其易也。朝晟曰：「鹽州之役，咸集諸軍，番戎盡知之。今臣境迫虜，若大興兵，即番戎來寇，則戰。戰則無暇城矣。今請密發軍士，不十日至塞下，未旬而功畢，番人始知已無奈何，上從之。已事軍還，至馬嶺，吐蕃始來，數日而退。初，軍次方渠，無水，師徒囂然，遽有青蛇乘高而下，視其跡，隨水而流。朝晟命築防環之，遂為淳泉。軍人仰飲以足，圖其事。上聞，詔置祠焉。免喪，加

檢校工部尚書。是夏以防秋移軍寧州。遘疾旬餘而卒。
孫德昭，鹽州五原人也。其父惟最，有材略。黃巢陷長安，惟最
率其鄉里子弟得義兵千人，南攻巢於咸陽，興平州將壯其
所為，益以州兵二千，與破賊功，拜右金吾衛大將軍。朱玫亂，
京師僖宗幸興元，惟最率兵擊賊，累遷廊州節度使，留京師
宿衛。廊州將吏詣闕請惟最之鎮，京師民數萬與神策軍復
遮留不得行。改荆南節度使。德昭以父任為神策軍指揮使。
光化三年，劉季述廢昭，宗幽之東宮，宰相崔胤謀反正，陰使
人求義士可共成事者。德昭乃與孫承誨、董從實、應胤、天復
元年正月朔，季述將朝，德昭伏甲士道旁，邀其輿，斬之。承誨
等分索餘黨，皆盡。昭宗反正，以功拜靜海節度使，同中書門
下平章事。圖形凌煙閣。冬十月，宦者韓全誨劫昭宗幸鳳翔。

承誨從寶皆從而德昭獨率兵衛胤及百官保東街趣梁兵
以西梁太祖頗德其附已至京師表同州留後
顧彥朗彥暉者豐州人竝為天德軍小校其使蔡京以兄弟
有封侯相每厚禮之稍稍進秩黃巢亂長安率軍同復京師
彥朗累遷右衛大將軍光啟中拜東川節度使至劍門陳敬
瑄使吏奪其節彥朗不得入保利州敬瑄誣劾彥朗擅興兵
掠西境僖宗下詔申曉講和乃得到軍署彥暉漢州刺史初
楊守亮忌壁州刺史王建凶暴欲逐之建聞合溪洞豪酋取
閬州擊利州刺史走即據二州守亮不能制彥朗與建雅舊
陰助貲饗建攻成都彥朗挾故憾與并力道路障梗敬瑄告
難於朝帝詔和解會彥朗卒彥暉自知留後明年為節度使
中人送節為絳州刺史楊守厚所留守厚發兵攻梓州彥暉

告急於建。建使李簡救之。戒曰：賊破，并取彥暉，無須再往也。簡破守厚軍，彥暉辭疾不克。取景福二年，詔進彥暉檢校司空、東川節度使。乾寧二年，昭宗在石門，督彥暉建赴行在。建率兵二十萬，次緜州，即劾彥暉劫輜運，回襲之。彥暉不敢出。建遂擊取巴、閬、蓬、渠、通、果、龍、利八州。帝遣中人為兩川宣諭，協和使建奉詔還，而兵不解。四年，建取渝、昌、普三州，壁梓州。南敗彥暉兵，凡五十戰，圍遂。固帝仍遣左諫議大夫李洵諭止建拒命，及圍急，彥暉自殺，妻子乃自刎。宗族諸將皆死。案突厥自染干受隋封為啟民可汗，建牙於大利城，其部衆則散牧於今綏遠省境之內。厥後啟民三子始畢、處羅、頡利相繼為可汗，亦仍以綏境為其立國之中心。迨頡利既亡，其臣僚子姓之歸唐者，皆綏人也。本篇取社、尔、思、摩。

諸人列於唐代地方人物中亦正以其籍貫明確不得排
諸方志之外耳又隋唐之際東西突厥各有一處羅可汗
西處羅於大業中降隋後煬帝改封為曷薩那可汗此別
是一人非社叻之父也

个五代

李存進振武人也本姓孫名重進晉王賜姓名養為子從入
關破黃巢莊宗戰柏鄉遷行營馬步軍都虞候歷磁沁二州
刺史從戰河上以功遷振武軍節度使晉討張文禮於鎮州
久不克而史建瑭闔寶李嗣昭相次戰歿乃以存進代嗣昭
為招討使軍于東垣渡東垣土惡築壘不能就存進伐木為
柵文禮子處球以兵千餘逼存進柵存進出戰橋上殺處球
兵殆盡而存進亦歿于陣追贈太尉

張敬詢。勝州金河縣人。世為振武軍牙校。祖仲阮。歷勝州刺
史。父漢環。事武皇為牙將。敬詢當武皇時。專掌甲坊。十五年
以稱職。聞復以女為武皇子存霸妻。益見親信。莊宗即位。以
為沁州刺史。秩滿。復用為甲坊使。莊宗經畧山東。敬詢歷博
澤、慈、隰、四州刺史。同光末。授耀州團練使。郭從韜之征蜀也。
以敬詢善督租賦。乃表為利州留後。明宗即位。正授昭武軍
節度使。天成二年。詔還京師。復授大同節度使。四年。徵為左
驍衛上將軍。明年。授滑州節度使。以河水連年溢堤。乃自酸
棗縣界至濮州。廣隄防一丈五尺。東西二百里。民甚賴之。三
年。秩滿。歸京。卒。
安金全。代北人。世為邊將。少驍果。工騎射。號能擒生踏伏。事
晉為騎將。數從莊宗用兵有功。官至刺史。以疾居於太原莊。

宗與梁相拒河上。梁將王檀襲太原。晉兵皆從莊宗于河上。太原無備。監軍張承業大恐。率諸司工匠登城捍禦。而外攻甚急。金全彊起。謂承業曰。太原晉之根本也。一旦不守。則大事去矣。老夫誠憊矣。然尚能為公破賊。承業喜。授以甲兵。金全被甲跨馬。召率子弟及故將吏得百餘人。夜出北門。擊檀於羊馬城中。檀軍驚潰。而晉救兵稍至。然莊宗不以金全為能。終世不錄其功。金全與明宗有舊。明宗即位。拜金全振武軍節度使。在鎮二年。召還京師卒。

安元信字子言。代北人。以將族子。便騎射。幼事武皇。從平巢。蔡梁將氏叔琮之攻河東也。別將葛從周自馬嶺入。元信伏於榆次。挫其前鋒。梁將李思安之攻上黨也。王師將壁高河。為梁軍所逼。別將秦武者尤為難敵。元信與鬪。斃之。繇是梁

軍解去。遷突陣都將。莊宗嗣晉王位。元信從救上黨。破夾寨。復澤潞。以功授檢校司空。遼州刺史。柏鄉之役。日晚戰酣。元信重傷。莊宗自臨。傅藥。其年改檢校司徒。武州刺史。從莊宗定魏博。移為博州刺史。未幾為大同軍節度使。莊宗平定河。南。移授橫海軍節度使。明宗即位。以元信嘗為內衙都校。尤厚待之。明年移鎮徐州。王師之討高季興。移授元信山南東道節度使。歲餘改歸德軍節度使。末帝即位。授潞州節度使。清泰三年二月卒。于鎮年七十四。

張廷裕。代北人也。幼事武皇。於雲中從平黃巢。討王行瑜。自行間。漸升為小將。莊宗定魏。補天雄軍左廂馬步都虞候。歷蔚、慈、隰三州刺史。同光三年。除新州節度使。塞上多事。廷裕無控制之術。邊鄙常聳。天成三年卒。於治所。

康義誠字信臣代北三部落人也少以騎射事武皇從莊宗入魏博補突騎使累遷本軍都指揮使同光末從明宗討鄴城軍亂迫明宗為主明宗不然義誠進曰主上不慮社稷阡危不思戰士勞苦荒耽禽色溺於酒樂今從衆則有歸守節則將死明宗納其言繇是委之心膺明宗即位加檢校司空領富州刺史總突騎如故明宗幸汴平朱守殷改侍衛馬軍都指揮使領江西節度使長興末加同平章事秦王為天下兵馬元帥氣燄燠灼大臣皆懼求為外任義誠以明宗委遇無以解退乃令其子以弓馬事秦王冀自保全及秦王既誅明宗晏駕閔帝即位加檢校太尉兼侍中判六軍諸衛事未幾鳳翔變起西軍不利義誠懼乃請行蓋欲盡率駕下諸軍送降於潞王求免也及義誠軍至新安諸軍爭先趨陝解甲

迎降義誠以部下數十人見潞王請罪潞王雖罪其姦回未
欲行法清泰元年四月斬於興教門外夷其族
藥彥稠沙院三部落人也幼以騎射事明宗累遷至列校明
宗踐阼領澄州刺史河陽馬步都將從王晏球討王都於定
州平之領壽州節度使侍衛步軍都虞候屬河中指揮使楊
彥溫作亂彥稠改侍衛步軍都指揮使充河中副招討使將
兵討平之無幾黨項劫回鶻入朝使詔彥稠屯朔方就討黨
項之叛命者搜索盜賊盡獲回鶻所貢駝馬寶玉擒首領而
還尋授邠州節度使閔帝嗣位與王思同攻鳳翔為副招討
使禁軍之潰彥稠欲沿流而遁為軍士所擒而獻之時末帝
已至華州令拘於獄誅之
康延孝塞北部落人也初隸太原因得罪亡命于汴同光元

年率百騎來奔。莊宗得之喜。解御衣金帶以賜之。屏人問梁
兵機。延孝備陳利害。莊宗平汴。延孝頗有力焉。以功授檢校
太保。鄭州防禦使。賜姓名紹琛。明年授保義軍節度使。三年
討蜀。以延孝為西南行營馬步軍先鋒。排陣斬斫等使。延孝
性驍健。徇利奮不顧身。以前鋒下鳳州。收固鎮。降興州。敗王
行軍于三泉。所俘蜀軍皆諭而釋之。自是晝夜兼行。長驅通
鹿頭。進據漢州。偽蜀六軍使王宗弼令人持牛酒幣馬歸款。
旬日兩川平定。平蜀之功。延孝居最。郭崇韜以私愛董璋。乃
署董璋為東川節度使。延孝怒曰。吾冒白刃。犯險阻。平定兩
川。董璋何功。遽有其地。未幾崇韜為繼岌所害。四年正月甲
申。大軍發成都。繼岌令延孝以一萬二千人為後軍。二月癸
巳。中軍次武連。中使詔至。諭以西平王朱友謙有罪。伏誅。令

繼岌殺其子。遂州節度使令德。延孝大驚。謂諸校曰。南平梁
汴。西定巴邛。劃策之謀。始于郭公。而汗馬之勞。力摧強敵。即
吾也。若以背偽歸國。倚角而成霸業。即西平王之功。第一。西
平與郭公。皆以無罪。赤族歸朝。之後。次當及我矣。丙申。延孝
次劍州。時延孝部下焦武等。知西平王被禍。兼誅令德。號哭
軍門。訴于延孝。曰。西平無罪。二百口伏誅。河中舊將。無不從
坐。某等必死矣。時魏王繼岌到泥溪。延孝報繼岌云。河中兵
士號哭。欲為亂。丁酉。延孝遂擁衆迴。自稱西川節度三州制
置等使。以檄招諭人。三日間。衆及五萬。繼岌遣人馳書諭之。
夜半。令監軍使李廷安召任圜。因署為副招討使。令率兵七
千騎。與都指揮使梁漢顥。監軍李廷安討之。延孝敗。馳入漢
州。閉壁不出。西川孟知祥以兵二萬與圜合勢攻之。延孝危。

急引騎出戰。遇陣于金雁橋。又敗。以十數騎奔錦州。何建崇追及擒之。任圜命載以檻車。及班師。行次鳳翔。中使向延嗣賫詔至。遂誅之。

張萬進。突厥南鄙人也。白皙美髯。少而無賴。事唐武皇。以騎射著名。攻城野戰。奮不顧身。嘗與梁軍對陣。持銳首短刃。躍馬獨進。及兵刃既利。則易以大鉞。左右奮擊。出沒進退。無不當者。逮莊宗。明宗。素憐其雄勇。復獎其戰功。故累典大郡。天成長興中。歷威勝。保大兩鎮。節制高祖。有天下。命為彰義軍節度使。所至不治。政由羣下。洎至涇原。凶恣彌甚。天福四年三月。萬進疾篤。月餘。州兵將亂。乃詔副使萬庭圭委其符印。記室李昇素憾凌虐。知其將亡。謂庭圭曰。氣息將奄。不保晨暮。促移就第。豈不宜乎。庭圭從之。萬進尋卒。

安重霸雲州人也。初與明宗俱事晉王。重霸得罪奔于梁。又奔于蜀。重霸為人狡譎多智。善事人。蜀王建以為親將。王衍立。少年宦者王承休用事。重霸深結承休。以自託。梁末蜀取李茂貞。秦成階三州。重霸勸承休求鎮秦州。行以承休為節度使。重霸為其副使。唐魏王兵伐蜀。承休大恐。以問重霸。重霸曰。劍門天下之險。雖有精兵不可過也。然公受國恩。聞難不可不赴。願與公俱。西承休素親信之。以為然。承休整軍將發。秦人送之。帳飲城外。酒罷。承休上道。重霸立承休馬前。辭曰。秦隴不可失。願留為公守。承休無如之何。唐軍已破蜀。重霸亦以秦成階三州降唐。明宗以為閬州團練使。廢帝時為京兆尹。西京留守。徙鎮大同。以病罷歸。卒于潞州。

李存信。本姓張氏。其父君政。回鶻李思忠之部人也。存信少

善騎射。能四夷語。通六蕃書。從太祖起代北。入關破黃巢。累以功為馬步軍都指揮使。遂賜姓名。以為子。存信與存孝俱為養子。材勇不及存孝。而存信不為之下。由是交惡。存孝所為。存信每沮激之。存孝卒得罪死。而存信數從征伐。以功領郴州刺史。太祖遣將兵救朱瑄。存信屯於莘縣。為羅弘信所擊。存信敗亡。太祖子落落後從太祖討劉仁恭。大敗於安塞。太祖大怒。顧存信曰。昨日吾醉。公獨不能為我戰邪。古人三敗。公已二矣。將殺之。存信叩頭謝罪而免。由是大懼。常稱疾。天復二年卒。年四十一。

何建。其先回鶻人。代居雲朔間。祖慶。父懷福。俱事後唐武皇。為小校。建少以謹厚隸晉高祖帳下。以掌廩為役。及即位。累典禁軍。遙領驩睦二郡。天福中。自曹州刺史遷延州兵馬留

後尋正授旄鉞。數年之間，歷涇、鄧、貝、澶、孟五鎮節度使。累官至檢校太傅。開運三年，移鎮秦州。是冬，契丹入汴，其主遣人齎詔以賜建。建憤然謂將吏曰：「吾事石氏二主，累擁戎旃，人臣之榮亦已極矣。今日不能率兵赴難，豈可受制於契丹乎？」即遣使齎表與其地，送款於蜀。孟昶待之甚厚，偽加同平章事。依前秦州節度使。歲餘，移閬州保寧軍節度使。加偽官至中書令。後卒於蜀。

案何建九國志作何重建。此從舊五代史作何建。蓋避晉少帝石重貴之名，而省重字也。志稱重建任五鎮節度使，皆以廉儉簡易稱。然則建亦當時庸中之佼佼者矣。

白奉進，字德昇，雲州清塞軍人也。父曰達子，世居朔野。以弋獵為事。奉進少善騎射。後唐武皇鎮太原，奉進謁于軍門，以

求自効。武皇納于麾下。莊宗之破夾寨也。奉進挺身首犯賊鋒。莊宗覩而壯之。後從戰山東河上。繼以功遷龍武指揮使。同光中。魏王繼岌伐蜀。擢為親軍指揮使。天成長興中。統上軍。加檢校右散騎常侍。清泰中。加檢校右僕射。唐州刺史。治郡踰年。甚有政績。晉高祖即位。尤所倚愛。二年六月。范延光據鄴為亂。詔遣率騎軍三千北屯滑臺。時符彥饒為滑州節度使。一夕有軍士夜掠居人。奉進捕之。凡獲五盜。三在奉進本軍。二在彥饒麾下。命俱斬之。彥饒怒其不先告。深銜之。奉進侯彥饒于牙城。既入。且述其過。彥饒曰。軍中法令。各有部分。何得將滑州兵士一例處斬。殊無主客之義乎。奉進曰。軍士抵法。寧有彼我。今僕以各自陳。而公怒不息。莫是與范延光同反耶。彥饒帳下介士大譟。擒奉進殺之。是日步軍都校

馬萬次校盧順密率其步衆攻滑之子城執彥饒送京師戮于班荆館北。史彥超雲州人也為人勇悍驍捷周太祖起魏時彥超為漢龍捷都指揮使以兵從周太祖入立遷虎捷都指揮使戍于晉州劉旻攻晉州州無主帥知州王萬敢不能拒彥超以戍兵堅守月餘太祖遣王俊救之旻兵解去以功遷龍捷右廂都指揮使領鄭州防禦使周漢戰高平彥超為前鋒先登陷陣以功拜感德軍節度使周兵圍漢太原契丹救漢出忻代世宗遣符彥卿拒之以彥超為先鋒戰忻口彥超勇憤俱發左右馳擊解而復合者數四遂歿陣是時世宗敗漢高平乘勝而進圍城之役諸將議不一故久無成功世宗欲解去而未決聞彥超戰死遽班師倉卒之際亡失甚衆世宗既惜彥

超而憤無成功。憂忿不食者數日。贈彥超太師。優恤其家焉。
案唐末五代。自李克用父子以沙陀族建立後唐。不久其
種人石敬瑭。劉知遠亦相繼建立晉漢。由於李石劉三氏
皆起家於蕃部。故其戰爭開國諸將亦以塞北族姓為多。
此亦猶兩漢崛起。從龍佐命之士。不得不側重於豐沛南
陽之彥耳。本篇於五代人物。僅錄其稍可稱者。以備考覽。
至其兇毒殘忍。變叛反復太甚者。如楊光遠。張彥澤。安從
進。輩則用前篇排除呂布之例排除之。不因其祖籍雲朔
而姑息之也。舊五代史有兩安元信。一在卷六十一。一在
卷九十。此錄前者。又有兩張萬進。一在卷十三。一在卷八
十八。此取後者。

袁繼忠其先振武人後徙并州父進仕周為階州防禦使繼忠以父任補右班殿直太祖平澤潞討并汾悉預攻戰乾德中征蜀隸大將劉廷讓麾下有功知雲安軍歷嘉蜀二州監軍累入河東境破三砦遂與都巡檢郭進畧忻代州改天平軍巡檢太宗即位以為閤門祇候令擊梅山洞賊破之又巡邊部於唐龍鎮太宗征太原繼忠預破鷹揚軍先登陷陣契丹入代境繼忠率兵擊走之璽書褒美會趙保忠來朝獻地綏州刺史李克憲偃蹇不奉詔遣繼忠諭旨竟率克憲入朝遷西上閤門副使雍熙三年大將田重進征契丹命繼忠為定州路馬步軍都監領師取飛狐下靈邱平蔚州擒其帥大鵬翼師還會契丹騎大至駐唐河北諸將欲堅壁待之繼忠曰今疆敵在近城中屯重兵不能翦滅令長驅深入侵略

他郡雖欲謀自安之計。豈折衝禦侮之用乎。我將身先士卒。死於寇矣。辭氣慷慨。衆壯之。摧鋒先入契丹。兵大潰。太宗聞之。降璽書獎諭。淳化初。遷引進使。護鎮定高陽關兩路屯兵。三年。被病。召赴闕。卒。年五十五。繼忠長厚忠謹。士大夫多與游。前後賜賚鉅萬計。悉以犒賞士卒。身死之日。家無餘財。搢紳稱之。

王承美。豐州人。父事契丹。為左千牛衛將軍。開寶二年。率衆來歸。承美授豐州牙內指揮使。父卒。改天德軍。蕃漢都指揮使。知州事。移豐州刺史。太平興國七年。與契丹戰。斬獲以萬計。擒其天德軍節度使韋太。以獻。明年。契丹來寇。又擊敗其衆萬餘。追北至青塚百餘里。斬獲益衆。以功授本州團練使。景德初。來朝。遷本州防禦使。尋請於州城置孔子廟。詔可之。

大中祥符五年卒。贈恩州觀察使。

案隋唐豐州在杭錦旗界。遼豐州在土默特旗界。承美所

駐豐州在準格爾旗之麻地溝。即宋之豐州也。

姚兕字武之。五原人。父寶戰死定川。兕補右班殿直。為環慶

巡檢。與夏人戰。一矢斃其首。夏衆潰。因乘之。遂破蘭浪。敵大

舉寇邊。圍諸砦。兕時駐荔原堡。先羌未至。據險張疑兵。伺便

輒出。有悍酋臨陣甚武。兕前射中其目。斬首還。一軍驩呼。明

日來攻益急。兕手射數百人。裂指流血。又遣子雄引壯騎馳

掩其後。所向必克。敵乃退。攻大順城。兕復往救。轉鬪三日。斬

級數千。卒全二城。慶軍叛。兕以親兵守西關。盜衆不得入。而

奔兕。追及。下馬與語。皆感泣。羅拜誓無復為亂。神宗聞其名。

召入覲。試以騎射。屢中的。賜銀槍袍帶。遷為路都監。徙廊延。

涇原從攻河州。飛矢貫耳。戰益力。河州既得。又為鬼章所圍。兕曰：解圍之法當攻其所必救。乃往擊隴宗圍。遂解。累遷皇城使。從攻交趾有功。領雅州刺史。破乞弟。領忠州團練使。進副總管。徙熙河。與种誼合討鬼章於洮州。破六通宗城。夜斷浮橋。援兵不得渡。遂擒鬼章。真拜通州團練使。卒於廊延。總管贈忠州防禦使。兕幼失父。事母孝。凡圖畫器用皆刻仇讐。未報字。力學兵法。老不廢書。尤喜顏真卿翰墨。曰：吾慕其人耳。

姚麟字君瑞。從兕攻河州。中矢透骨。鏃留不去。以彊弩出之。笑語自若。積功至皇城使。為秦鳳副總管。從李憲討生羌。擒冷鷄朴。再轉東上閣門使。英州刺史。元豐西討。以涇原副總管從。劉昌祚出戰。勝於磨哆隘。轉戰向鳴沙。趨靈州。而高

遵裕敗還降為皇城使復為涇原副總管夏人修貢且乞蘭
會壤土麟言夏人囚其主王師是征今秉常不廢即為順命
可因以息兵矣獨蘭會不可與願戒將帥飭邊備示進討之
形以絕其望從之督諸將討堪哥平經略使盧秉上其功狀
賜金帛六百元祐初擢威州團練使龍神衛四廂都指揮使
紹聖三年拜武康軍節度使殿前副都指揮使王瞻取青唐
麟以為朝廷討伐方息肩奈何復生此大患已而瞻果敗徽
宗立進都指揮使節度建雄定武軍檢校司徒卒贈開府儀
同三司麟為將沈毅持重不少縱捨宿衛士嘗犯法詔釋之
麟杖之於庭而後請拒詔之罪故所至肅然
姚雄字毅夫兒子少勇鷙有謀年十八佐父討金湯以百騎
先登奪隘又成荔原之功紹聖中渭帥章粲城平夏雄部熙

河兵策援夏人傾國來與之鏖鬪流矢注肩戰果厲賊引卻
追躡大破之先五日折可適敗於沒烟士氣方沮雄賈勇得
雋諸道始得并力城成擢東上閣門使秦州刺史明年虜攻
平夏勢銳甚雄與弟古合兵卻之徙知會州王贍略地青唐
羌人攻湟鄯詔雄與苗履援之邈川方急雄至羌望見塵起
驚而潰圍既解遂驅鄯州履後期乃至贍言蘭溪宗有遺寇
宜悉蕩平之履即往雄諫不聽戒所部嚴備以待俄而履師
退賊追及雄整衆迎擊破之哲宗遣中使勞問徙河州种朴
戰沒王贍軍陷敵中雄自鄯至湟四戰皆捷拔出之遂築安
鄉關夾河立堡以護浮梁通湟水漕運商旅負販入湟者始
絡繹於道加復州防禦使建中靖國初議棄湟州雄利害雄
以為可棄遂以賜趙懷德徙雄知熙州蔡京用王厚復河湟

治棄地罪。停雄官。光州居往。復竄金州。明年乃聽歸。起權經
略熙河。安輯復新邊使。知滄州。復為熙州。遷安德軍節度觀
察留後。拜武康軍節度使。知熙州。熙河十八年間。更十六帥。
唯雄三至。凡六年。未幾。以檢校司空奉寧軍節度使致仕。卒。
贈開府儀同三司。諡武憲。

王文郁。字周卿。麟州新秦人。為府州巡檢。韓琦薦其材。加閤
門祇候。麟府駐泊都監熙寧討夏國。文郁敗之。吐渾河。其將香
崖夜遣使欲舉眾將許之。旦而至。與偕行。眾情忽變。謀以出
文郁擊之。追奔二十里。據險大戰。矢下如雨。文郁徐引渡河。
謂吏士曰。前追彊敵。後背天險。韓信驅市人。且破趙况。爾曹
皆百戰驍勇。邪士感奮。進擊夏人。大潰。降其眾二千。遷通事
舍人。夏人踰屈野河。掠塞上。文郁追至長城坂。盡奪所掠。而

還神宗召見問曰向者招納香崖羣議不一其為朕言之對
曰此乃致敵上策恨未能多爾並邊生羌善馳突識鄉導倘
能撫柔之所謂以外夷而攻外夷也帝於是決意招納多獲
其用知文郁善左射並招其子弟閱肆殿庭文郁九發八中
詔官其二子知鎮戎德順軍預定洮河遷左驕副使知麟
州未幾為熙河將李憲討靈武文郁得羌戶萬餘遷路鈴轄
夏人圍蘭州已奪兩關門文郁募死士夜縋而下持短兵突
賊即掃營去擢東上閣門使知蘭州謀知夏人將大入清野
以俟果舉國趨臯蘭文郁乘城禦之殺傷如積九日而解收
其尸為京觀加榮州團練使知河州築安西城金城關進秦
州防禦莫州觀察使卒年六十六

陳昭衮小字王九雲州人工譯鞮勇而善射統和中補祗候郎君累遷敦睦宮太保兼掌圍場事開泰五年秋大獵帝射虎以馬馳太速矢不及發虎怒奮勢將犯蹕左右辟易昭衮捨馬捉虎兩耳騎之虎駭且逸上命衛士追射昭衮大呼止之虎雖軼山終不墮地伺便拔佩刀殺之輦至上前慰勞良久即日設宴悉以席上金銀器賜之特加節鉞遷圍場都太師賜國姓命張儉呂德懋賦以美之後拜歸義軍節度使同知上京留守歷西南面招討都監卒

↑
金

趙重福字履祥豐州人通女直大小字試補女直誥院令史轉兵部譯史陝西提刑知法遷陝西東路都勾判官改滄州鹽副使歲饑民煮鹵為鹽賣以給食鹽官往往杖殺之重福

曰寧使課殿不忍殺人歲滿課殿當降尚書右丞完顏匡三
司使按出虎知其事乃以歲荒薄其罰除織染署令大安三
年佐戶部尚書張煒調兵食于古北口遷都水少監行西北
路六部郎中治密雲縣俄兼戶部員外郎貞祐二年以守密
雲功遷同知河間府事行六部侍郎權清州防禦使攝河北
東路兵馬都總管三年河間被圍有劉中者嘗與重福密雲
聯事勸重福出降重福不聽時兵少又多羸疾不任戰欲亡
去重福勸其父老率子弟強者戰弱者守會久雨圍乃解去
遷河東北路轉運使致仕元光二年卒

完顏陳和尚名彝字良佐世以小字行豐州人系出蕭王諸
孫父乞哥泰和南征以功授同知階州軍事貞祐中陳和尚
為北兵所掠大帥甚愛之置帳下時陳和尚母留豐州陳和尚

尚在此歲餘。託以省母。乞還。大帥以卒監之。至豐。乃與從兄
斜烈劫殺監卒。奪馬奉其母南奔。大兵追之。由他路得免。宣
宗奇之。斜烈以世官授都統。陳和尚試補護衛。及斜烈行壽
泗元帥府事。奏陳和尚自隨。詔以充宣差提控。佩金符。斜烈
辟太原王渥為經歷。陳和尚雅好文史。渥授以孝經小學論
語。春秋左氏傳。略通大義。正大二年。斜烈為總領屯方城。陳
和尚隨以往。斜烈時在病軍中。李太和與鎮防軍葛宜翁相
毆。訴於陳和尚。宜翁事不直。量答之。宜翁鬱鬱死。其妻訟陳
和尚。故殺其夫。當以大辟奏上。久不決。陳和尚聚書獄中。讀
之。明年。斜烈病愈。詔提兵而西。入朝。哀宗怪其瘦甚。問卿寧
以方城獄未決。故耶。卿但行吾今赦之矣。未幾。斜烈卒。上聞
始馳赦陳和尚。曰。汝兄死。失吾一名將。今以汝兄故。曲法赦

汝他日奮發立功。國得汝力。始我以為不妄。赦矣。陳和尚泣
且拜。乃以白衣領紫微軍都統。轉忠孝軍提控。五年北兵入
大昌原。平章合達問誰可為前鋒者。陳和尚出應命。是日以
四百騎破八千衆。三軍踴躍。奏功第一。手詔褒諭。授定遠大
將軍。忠孝一軍皆回紇。乃滿羌渾。及被俘來歸者。號難制。陳
和尚御之有方。坐作進退。皆中程式。所過州邑。常料所給外
秋毫無犯。街曲不復喧雜。每戰則先登陷陣。疾若風雨。諸軍
倚以為重。六年有衛州之勝。八年有倒回谷之勝。自刑徒不
四五年。遷為禦侮中郎將。

武都字文伯。東勝州人。大定二十二年進士。調陽穀主簿。遷
商水令。縣素多盜。凡姦民嘗縱火行劫。推埋發冢者。都皆廉
得姓名。榜之通衢。約毋再犯。悉奔他境。累遷中都路都轉運

副使以親老與弟監察御史郁俱乞侍尋丁憂服除調太原
治中遷纜州刺史充宣差北京路規措官都拘括散逸官錢
百萬入為戶部郎中權右司郎中奏事稱旨被詔由海道漕
遼東粟賑山東都高其價值募人入粟招海賈船致之三遷
中都西京按察副使大安三年充宣差行六部侍郎行西南
路六部尚書佐元帥抹撻盡忠備禦西京有勞召為戶部尚
書宣宗即位議衛紹王降封頃之中都戒嚴都知大興府佩
虎符便宜行事彈壓中外軍民都醉酒以褻衣見詔使坐是
解職起為刑部尚書中都解圍為河東路宣撫使興定元年
以疾卒

程震字威卿東勝人與其兄鼎俱擢第震入仕有能聲興定
初召百官舉縣令震得陳留治為河南第一召拜監察御史

彈劾無所撓。時皇子荆王為宰相，家僮輩席勢侵民，震以法。劾之，奏曰：「荆王以陛下之子，任天下之重，不能上贊君父，同濟艱難，顧乃專恃權勢，蔑棄典禮，開納貨賂，進退官吏，縱令奴隸侵漁細民，名為和市，其實脅取。諸所不法，不可枚舉。陛下不能正家而欲正天下，難矣。於是上責荆王出內府銀以償物，直杖大奴尤不法者數人。未幾，坐為故吏所訟，罷官。歲餘，嘔血卒。震為人剛直，有才幹，忘身殉國，不少私與。及為御史，臺綱大振，以故小人側目者衆，不能久留於朝。士論惜之。完顏窩本名訛出，西南路猛安人。大定二十八年進士，累調河東北路提刑司知事。改同知遼州軍州事，召為國史院編修官。大安初，遷翰林待制，兼侍御史。貞祐初中，都圍急，詔於東華門置招賢所，內外士庶皆得言事，或不次除官。由是閭

闔細民往往銜鬻求售。王守信者本一村夫，敢為大言，以諸葛亮為不知兵，寓薦於朝。詔署行軍都統，募市井無賴為兵。其陣法率皆誕妄。張行信、高琪言：「守信不可用。」上以為然。頃之，寓遷禮部侍郎，改東京副留守，隴州防禦使。遷安化軍節度使，兼山東路統軍副使。興定元年四月，寓以本官權元帥左都監，行元帥府事。和輯苗道潤，移刺鐵哥軍。十二月，密州破，寓為亂軍所殺。

完顏安國，字正臣，其先籍上京。世有戰功，祖斜婆授西南路世襲合札謀克，安國沉雅，有謀畫，尤善騎射。正隆元年，從軍為謀克，常以寡擊衆。大定中，為虹縣令，再遷儀鑿局副使。明昌元年，改本局使，會大石部長有乞修歲貢者，詔安國往以奉使稱旨，升武衛軍都指揮使。改西北路副招討。六年，左丞

相夾谷清臣出兵以安國為先鋒都統。適臨潢、泰州屬部叛。安國先討定之，以功遷本路招討使，兼威遠軍節度使。承安元年，大鹽澤之戰，殺獲甚衆，詔賜金幣。既而右丞相襄總大軍進安國為兩路都統，大捷於多泉子，襄遣安國追敵。僉言糧道不繼，不可行也。安國曰：「人得一羊可食十餘日，不如驅羊以襲之。」便遂從其計。安國統所部萬人，疾驅以薄之，降其部長，捷聞，進官四級，遷左翼都統。承安二年，以營邊堡功，召簽樞密院事，賜虎符，還邊，得便宜從事。時並塞諸部降，諭使輸貢如初。進拜樞密副使。泰和元年，特授世襲西南路延晏河猛安，兼合札謀克。帝幸慶寧宮，命安國嚴飭邊備，奏西南路邊戍私竄者，迄招誘以安人心。上是其言。三年，以疾致仕。封道國公。四年，起復前職。卒，上聞之，輟朝，葬以執政禮，贈

特進安國在軍旅幾十五年號令嚴明指揮卒伍如左右手。又善伺知敵人虛實及山川險易戰必身先士卒故所向輒克。諸部入貢安國能一一呼其祖先弟姪名字以戒諭之。諸部皆震悚甚為隣國所畏服。紇石烈桓端西南路忽論宋割猛安人襲兄銀朮可謀克泰和伐宋充行軍萬戶破宋兵二千於蔡州加宣武將軍自壽州渡淮敗宋步騎一萬五千于鷓子嶺遂克安豐軍軍還除同知懷遠軍節度事大安三年遙授顯德軍節度副使徙東路宣撫使都統敗移剌留哥五千衆于御河寨降萬餘人加驃騎衛上將軍遙授同知順天軍節度事貞祐二年為宣差副提控同知婆速路兵馬都總管行府事三年蒲鮮萬奴侵婆速近境桓端遣都統溫廸罕怕哥輦擊却之九月萬奴衆

九千人出宜風及易池。桓端率兵與戰，其衆潰去。因招十一
猛安復來附。四年，遣王汝弼由海道奏事。宣宗嘉其功，遷遼
海軍節度使，同知行府事。宣差提控如故。是歲，改邳州刺史。
充徐州界都提控。紅襖賊數萬攻邳州，桓端破之於黃山。賊
復來，擊敗之。溺沂水死者甚衆。賊數萬圍沂州，同知防禦事
僕散撒合突圍出求救。桓端率兵赴之，撒撒合還入沂州。與桓
端內外夾擊，殺萬餘人。賊乃去。進金紫光祿大夫，兼同知武
寧軍節度事，提控如故。興定元年，連破宋兵，遷武衛軍副都
指揮使。興定二年，行元帥府於息州，權簽樞密院事。四年冬，
上言竊聞宋人與李全將併力來攻，當預為之防。五年正月，
召至京師，力疾草奏大略，以南北皆用兵，當預防其患及防
河數策。無何卒。年四十五。勅有司給喪事。

完顏蒲刺都西南路按出灰必刺罕猛安人充護衛除泰定
軍節度副使累官原州刺史同知臨洮府西京留守事崇慶
元年遷鎮武軍節度備禦有功遷一官初置東西面經略司
就充西面經略使上言管內太和嶺諸隘屯兵控制邊要行
元帥府輒分臣兵萬二千戍真定餘衆不足守禦近日復簡
精銳二千七百以往今見兵不滿萬老羸者十七八臣死固
不足惜顧國家之事不可不慮新設經略移文西京太原河
東取軍馬大數並稱非臣所統詔真定元帥府還其精銳二
千七百人西京太原嵐州有警約為應援州郡皆不欲屬經
略司遂罷經略官入為簽樞密院事改左副點檢四年遷兵
部尚書興定元年致仕四年卒

吳僧哥西南路唐古乙刺紮上沙鷲部落人拳勇善騎射大

安間選籍山西人為兵。僧哥充馬軍千戶，有功。貞祐初，遷萬戶。權順義軍節度使朔州失守，僧哥復取之，授同知節度使。事衆苦乏食，僧哥乞賜糧十五萬斛。朝廷以應州已破，朔為孤城，其勢不可守，乃遷朔之軍民九萬餘口，分屯於嵐石隰。吉絳解間未行，元兵至朔州，戰七晝夜，有功。加遙授同知太原府事，兼同知節度使事。四年，始遷其民南行，且戰且行者數十里。僧哥力憊，馬躓死。馬時年三十，詔贈鎮國上將軍。伯德宥哥西南路咩紮人，壯健沉勇。大元兵克西南路，鄰郡皆降。宥哥獨不屈。貞祐五年，東勝州已破，宥哥與姚里鴉胡、姚里鴉免招集義軍，披荆棘，復立州事。河東北路行元帥府承制除宥哥武義將軍、寧遠軍節度副使。興定元年，詔宥哥遙授武州刺史、權節度使。姚里鴉胡權同知節度使事。姚

里鴉兒權節度副使。興定三年，宓哥特選三官，遙授同知晉安府事，尋真授東勝軍節度使。東勝被圍，城中糧盡，援兵絕。宓哥率衆潰圍走保長寧塞，詔各進一官，戰沒者贈三官。九月，復被圍，宓哥死之。

粘割貞，本名抄合，西南路招討司人。大定二十八年，進士，歷教授，主簿，用薦舉除河北大名提刑知事，察廉遷都轉運戶籍判官，累官。泰定軍節度副使，德興治中，宣德州刺史。貞祐元年十二月，貞以禮部郎中攝國子祭酒，與恩州刺史粘割合達、河間府判官梅只乞奴、保州錄事伯德、張奴出議和事。二年，和議成，改戶部侍郎，歷沁南、河平、鎮南、集慶、汾陽軍節度使。貞祐四年，改昭義軍，充潞州經略使。興定二年，入為工部尚書。由壽州伐宋，攻正陽有功，權元帥、左都監，守晉安府。

興定三年十一月城破。貞與府官十餘人皆死之。
案金史地理志豐州下天德軍節度使。皇統九年升天德
路總管府置西北路招討司。以天德尹兼領之。大定元年
降為天德軍節度使兼豐州管內觀察使。以元管部族直
撒軍馬公事並隸西南路招討司。其轄境即今歸綏武川
二縣及西南地區也。

↑元

阿刺兀思剔吉忽里汪古部長也。蒙古語汗之子弟為剔吉
亦曰的斤。統數部之長為忽里阿刺兀思。則其名也。汪古部
乃白達達十五部之一本。為布而古特。亦曰貝而忽特。遼人
稱為烏而古。屢降屢叛。後為金人所撫。屬西北路招討司。大
定後北族漸強。金塹山為界。以限南北。烏而古部有帳四千。

居界垣之衝要。屏蔽山後諸州。蒙古謂長城曰盜古。又譌為汪古。云太祖既滅王汗。乃蠻太陽汗懼。遣使約阿剌兀思。請為右臂。助攻太祖。部衆有欲從之者。阿剌兀思聞太祖威名。度不敵。遣部將脫兒必塔失奉酒六樽。執送乃蠻使者。以其謀來告。時蒙古但飲湏酪。無酒。太祖飲三爵而止。曰。是物少。則發性多。則亂性。使還酬以馬五百。羊千。且謂阿剌兀思曰。異日吾有天下。不報汝之功。天寶鑒之。遂定議同伐。乃蠻甲子。太祖親征。乃蠻阿剌兀思果先期。以部衆來會。太祖元年。世襲千戶。六年。伐金。車駕先至其部。以阿剌兀思為嚮導。南踰界垣。太祖命還鎮本部。為其部衆欲從。乃蠻者所殺。并殺其長子不顏昔班。後追封高唐王。諡忠武。

案阿剌兀思幼子孛要合。生君不花。君不花生囊家台囊。

家台受封為趙王。今烏盟達爾罕旗境內有地名阿楞蘇木者，破甑碎瓦極多，據其地斷碑所記，知為元朝駙馬趙王府之廢址。此亦阿刺兀思一族確為綏人之一證也。

月乃合字正卿，其先屬雍古部，徙居靜州之天山。曾祖帖木兒越哥，金馬步軍指揮使，因以馬為氏。父馬慶祥，本名昔里吉思，金鳳翔府路兵馬都總管判官。大軍克鳳翔，昔里吉思盡室自焚，其僕抱嬰兒出。即月乃合也。金宣宗贈昔里吉思鎮國上將軍，恒州刺史，從祀於褒忠廟。月乃合幼好學，每奮而自誓曰：吾父死於國難，吾紓家難可也。金亡北渡河，見憲宗於藩邸，帝嘉其端謹，使佐斷事官。卜兒只月乃合慨然以治道自任，政事修舉，有能名。憲宗二年，料漢地民籍，凡試通一經以上者，為儒士，復其家實。月乃合為帝言之，又請建常

平倉舉海內賢者楊春卿張孝純等分部諸郡辟馬文玉牛
應之等為參佐後皆至顯仕九年世祖南征使月乃合專饋
餉運濟南鹽百萬勛以給公私之費世祖即位降詔褒諭阿
藍答兒據魚兒灤以叛世祖將親征月乃合出私財市馬五
百以助軍帝給券券賜其家曰後宜償汝也中統二年拜禮部
尚書佩金虎符四年奏光穎等州立權場歲可得鐵一百三
萬七千餘勛鑄農器十萬件易粟四萬石官民既便兼可鎮
服南方詔以本職兼領已括戶三千興造鑪冶蒙古漢軍並
聽節制未行以疾卒年四十八贈推忠宣力翊運功臣正議
大夫僉書樞密院事上輕車都尉梁郡侯諡忠懿
趙世延字子敬其先雍古族人居雲中北邊祖按竺邈驍勇
善騎射從太祖征伐有功為蒙古漢軍征行大元帥鎮蜀因

家成都父黑梓以門功襲父元帥職兼文州吐蕃萬戶府達
魯花赤世延天資秀發喜讀書弱冠世祖召見俾習官政至
元二十六年擢監察御史劾丞相桑哥不法中丞趙國輔抑
不以聞大德十年除安西路總管前政壅滯者三千牘至不
三月剖決殆盡至大元年改四川肅政廉訪司蒙古軍士科
差繁重而軍士就戍往來者多害人且軍官或抑良為奴世
延皆除其弊而正其罪又修都江堰民尤便之四年陞中奉
大夫陝西行臺侍御史先是右丞劉深往討八百媳婦敗還
棄市及是右丞阿忽台當繼行世延言蠻夷事在羈縻藉得
其地何補於國兵宜止勿用章再上事卒罷延祐元年拜中
書參知政事居中書二十月遷御史中丞有旨省臣自平章
以下率送之官其禮前所無有由是為權臣所忌乃用皇太

后旨出世延為雲南行省右丞。陛辭。帝特命仍還御史臺為
中丞。三年世延劾奏權臣太師右丞相帖木迭免罪惡十有
三。詔奪其官職。尋陞翰林學士承旨兼御史中丞。五年進光
祿大夫。乞補外。拜四川行省平章政事。世延議即重慶路立
屯田。得江津巴縣閑田七百八十三頃。摘軍千二百人墾之。
歲得粟萬一千七百石。明年仁宗崩。帖木迭免復相。銳意報
復。逼令自裁。世延不為動。左丞相拜住屢言世延亡辜。得旨
出獄。帖木迭免怒曰。此左丞相罔上所為也。帝語之曰。此
朕意耳。泰定四年復為中書右丞。明年有旨。昭雪其非辜。天
歷二年正月復除江南行臺御史中丞。八月拜中書平章政
事。冬世延至京。許乘小車入內。至順元年詔世延與虞集等
纂修皇朝經世大典。四月仍加翰林學士承旨。封魯國公。移

疾歸詔徵還朝不能行至元二年五月至成都十一月卒享年七十有七諡文忠

孟攀鱗字駕之雲內人曾祖彥甫以明法為西北路招討司知事有疑獄當死者百餘人彥甫執不從後三日得實皆釋之祖鶴父澤民皆金進士攀鱗幼日誦萬言時號奇童金正大七年擢進士第仕至朝散大夫招討使金亡北歸居平陽定宗元年為陝西帥府詳議官遂家長安世祖宗統三年授翰林待制同修國史至元初召見攀鱗條陳十七事勸上親祀天地宗廟制禮樂建學校行科舉擇守令以字民儲倉廩以贍軍省無名之賦罷不急之役百司庶府統有六部紀綱制度悉由中書是為長久之計世祖嘉納之咨問諄諄以病請歸命就議陝西五路四川行中書省事四年卒年六十四

延祐三年贈翰林學士承旨資德大夫上護軍平原郡公諡

文定

程思廉字介甫其先洛陽人後徙東勝州父恒佩金符為沿

以謹愿聞

邊監權規運使思廉用太保劉秉忠薦給事裕宗潛邸命為

樞密院監印平章政事哈丹行省河南署為都事丞相史天

澤方規取襄樊使任轉餉築城置倉以受粟轉輸者與民爭

門不時至思廉令行者異路粟至多露積一夕大雨思廉安

卧不起省中召詰之思廉曰此去敵近中夜騷動或致他變

縱有漂濕不過軍中一日糧耳聞者戆之至元十二年入為

監察御史以劾阿合馬繫獄其黨巧為機穽思廉居之泰然

卒不能害累遷河北河南道副使兩河歲饑而徵租益急欲

止之有司謂法當上請思廉曰若然民已不堪命矣即移文

罷徵後果得請二十年河北復大饑流民渡河求食朝廷遣
使者集官屬絕河止之思廉曰民急就食豈得已哉天下一
家河北河南皆吾民也亟令縱之且曰雖得罪死不恨章上
不之罪也衛輝懷孟大水思廉臨視賑貸全活甚衆水及城
不沒者數版即修堤防露宿督役水不為患衛人德之丁母
憂二十六年立雲南行御史臺起復思廉為御史中丞始至
蠻夷酋長來賀詞若遜而意甚倨思廉奉宣上意綏懷遠人
且明示禍福使勿自外聞者懾服雲南舊有學校而禮教不
興思廉力振起之始有從學問禮者成宗即位除河東山西
廉訪使太原歲餉諸王駝馬一萬四千餘匹思廉為請止餉
千匹平陽諸郡歲輸租稅於北方民甚苦之思廉為請得輸
河東近倉舊法決事成有議劄權歸曹吏思廉自判牘尾某

當某罪吏皆束手思廉累任風憲剛正疾惡言事剴切如請
早建儲貳訪求賢俊辨車服議封諡養軍力定律令皆急務
也與人交有終始或有疾病死喪問遺賻卹往返數百里不
憚勞仍為之經紀家事撫視其子孫其於家族尤盡恩意好
薦達人物或以為好名思廉曰若避好名之譏人不復敢為
善矣卒年六十二諡敬肅

謝仲溫字君玉豐州豐縣人父睦歡從太祖攻西京力戰先
登連中三矢仆城下太宗見而憐之命軍校拔其矢縛牛剗
其腸裸而納諸牛腹中良久乃甦誓以死報每遇敵必身先
之官至太原路金銀鐵冶達魯花赤仲溫豐頤廣顙聲音洪
亮略涉書史壬子歲見世祖於野狐嶺命備宿衛丙辰城上
都為工部提領董其役己未大軍圍鄂令督諸將時守江軍

士乏食。仲溫教之，罾魚以充其食。中統元年，擢平陽、太原兩路宣撫使。二年，改西京。至元九年，遷順德路總管。時方用兵，江淮有寡婦鬻子以償轉輸之值。仲溫出俸金贖還之。十六年，為湖南宣慰使。二十二年，改淮東。歲旱，仲溫導白水塘溉民田。公私賴焉。大德六年卒，年八十。

馬祖常，字伯庸，世為雍古部。居靖州之天山。曾祖月乃，合世祖時累官禮部尚書、父潤，同知漳州路總管府事。家于光州。祖常七歲知學，得錢即以市書。既長，益篤于學。延祐初，科舉法行，鄉貢會試皆中第一。廷試為第二人，授應奉翰林文字。拜監察御史。是時仁宗在御已久，猶居東宮飲酒，常過度。祖常上書請御正衙立朝儀。英宗為皇太子，又上書請慎簡師傅。於是鐵木迭兒為丞相，威權自恣。祖常知其盜觀國史，率

同列劾奏其十罪。仁宗震怒，黜罷之。秦州山移，祖常言山本不動之物，今而動焉，由在野有當用，不用之賢在官有當言，不言之佞。疏聞，大臣皆家居待罪，亡何，鐵木迭兒復相，左遷開平縣尹。因欲中傷之，遂退居光州。久之，鐵木迭兒死，除翰林待制，遷禮部尚書。元統初，召議新政，賜鈔萬貫，遂拜御史中丞，持憲務，存大體。西臺御史劾其僚禁酤，時面有酒容，以苛細黜之。又議將家子弟驕脆，有孤任使而庶民有挽強蹶張老死草野者，當建武學武舉，儲材以備非常。時雖弗用，識者躉之。尋轉樞密副使，辭疾歸。起行臺中丞，皆不赴。至元四年卒，年六十。贈魏郡公，諡文貞。祖常工於文章，尤致力於詩，大篇短章，無不可傳者。有文集行于世。

案馬祖常居靖州之天山，其曾祖月乃合則居靜州之天

山此皆舊元史之文而靜靖不別又月乃合傳作靜州地理志作淨州此皆新元史之文而靜淨互歧清顧氏讀史方輿紀要則又作淨州此一地而有靜靖淨淨四字之殊讀史亦談何容易乎考其地在今四子王旗西南界當以新元史地理志作淨州者為是

↑
明

孫鏜字振遠東勝州人襲濟陽衛指揮同知朱勇薦署指揮使正統末擢指揮僉事充左參將從總兵官徐恭討葉宗留敗賊金華復破之烏龍崗英宗北狩景帝召鏜還超擢都督僉事典三千營也先將入犯進右都督充總兵官統京軍一萬禦之紫荆關將發寇已入遂營都城外寇轉至西直門鏜與大戰斬其前鋒數人寇稍北鏜逐之寇益兵圍鏜鏜力戰

不解高禮。毛福壽來援。禮中流矢。會石亨兵至。寇乃退。詔鏜
副楊洪追之。戰於涿州深溝。頗有斬獲。師還。仍典營務。景泰
初。楊洪劾鏜下獄。石亨請赦鏜。江淵亦言城下之役。惟鏜戰
最力。乃釋之。三年冬。充副總兵。協郭登鎮大同。登節制嚴。鏜
不得逞。欲與分軍。且令子百戶宏侮登。帝械宏。竟以鏜故。貫
之。召還。典三千營。如故。英宗復辟。以奪門功。封懷寧伯。予世
券。天順初。甘肅告警。詔鏜充總兵官。帥京軍往討。將陞。辭病。
宿朝房。夜二鼓。太監曹吉祥。昭武伯曹欽。反。其部下都指揮
馬亮告變。於恭順侯吳瑾。瑾趨語鏜。鏜草奏。叩東長安門。自
門隙投入。內庭始得集兵。縛吉祥。守皇城諸門。鏜走太平侯
張瑾家。邀兵擊賊。瑾不敢出。倉猝復走。宣武街急遣二子輔
軌。呼征西將士。給之曰。刑部囚反獄。獲者重賞。衆稍聚。至二

千人始語之。故時已黎明，遂擊欽。欽方攻東長安門，不得入。轉攻東安門，鎧兵追擊賊，稍散。軌斫欽中膊，軌亦被殺。欽知事不成，竄歸其家，猶督衆拒鎧。力戰至晡，始定論功第一。進爵世侯，仍典三千營，贈軌百戶。世襲憲宗初，坐與中官牛玉婚，停祿間。住尋子半祿已全給之。成化七年卒，贈涑國公。諡武敏。子輔請嗣。吏部言奪門功，例不得世傳。帝以鎧捕反者，予之傳。子至孫應爵。正德中，總督團營。四傳至曾孫世忠。萬歷中，鎮守湖廣總督漕運。凡二十年，又三傳至孫維蕃。流賊陷京師，被殺。

猛如虎，本塞外降人家。榆林積功，至游擊。崇禎五年，敗邢紅狼解高平圍。六年，敗姬闕，鎖於壽陽。又從曹文詔斬混世王。破來遠寨，范村賊。又擊殺九條龍。由文水入山，勦賊。又由臯

落山勦東犯之賊。竝有功。山西警漸息。七年。馘五條龍於沁源。如虎驍果善戰。與虎大威齊名。許鼎臣戴君恩吳姓相繼為巡撫。竝委任之。以功進參將。援勦河南。勞績甚著。十四年。南陽城陷。巷戰為賊搃死。

↑清

喇嘛扎布歸化城土默特人。姓博爾濟吉特。元太宗十六世孫阿爾坦喬阿爾坦號格根汗。初由河套徙豐州。築城架屋居之。曰拜姓。與明代通好。封順義王。以歸化名所居城。阿爾坦子九長僧格號杜稜汗。子噶爾圖。以避察哈爾東徙。鄰喀喇沁為土默特東路。即今駐牧巴顏和碩之土默特右翼。扎薩克其居西路者。自格根汗凡四傳。至博碩克圖汗。仍居歸化城。察哈爾強役屬博碩克圖汗。不從。偕喀喇沁部布顏。

台吉等敗察哈爾兵四萬於土默特之趙城。又敗其赴張家口請明賞兵三千與察哈爾林丹汗交惡。博碩克圖汗卒。林丹汗襲之。有其衆。清天聰六年。大軍征察哈爾。以林丹汗西奔。唐古特移師趨歸化城。博碩克圖汗子俄木布及其部頭。自古祿格杭高託博克等集衆降。詔安堵如故。八年。以林丹汗走死。大草灘遣使取道歸化城。往諭唐古特。命西土默特所部人護送之。九年。睿親王多爾袞率師收林丹汗子額哲於黃河西托里圖地。貝勒岳託留駐歸化城。諭古祿格杭高託博克分守歸化城。轄土默特部衆。崇德元年。詔編所屬三千三百餘丁為二旗。以古祿格為左翼都統。杭高為右翼都統領。之託博克尋代杭高子巴桑掌右翼嗣。是博碩克圖裔。分隸左右翼。稱台吉喇嘛扎布祖素爾巴勒濟圖。父達木巴。

世居歸化城。隸左翼。乾隆二十年。詔徵歸化城土默特兵千
人。隨北路大軍。勦達瓦齊於伊犁。喇嘛扎布獻馬三百助軍。
叙功授一等台吉。命乾清門行走。二十一年。奉命隨承恩公
明瑞赴巴里坤。徙厄魯特達什達瓦部衆於阿爾臺。並以其
女妻和托輝特郡王青衮。咱卜會青衮。咱卜叛。詔隨左副將
軍喀爾喀親王成衮。扎布由烏里雅蘇臺進剿。偵青衮。咱卜
欲遁。俄羅斯復隨參贊大臣納穆扎爾等。輕騎尾之。抵抗哈
將噶斯青。衮。咱卜就擒。捷聞。詔增設土默特一旗。封喇嘛扎
布為輔國公。授扎薩克。隸烏蘭察布盟。二十五年。以不入覲。
及違例妄行罪。議削爵。上諭加恩免削。惟革其扎薩克。飭令
回旗効力。三十一年卒。子索諾木旺扎勒襲。
古祿格。土默特人。姓納喇。其先本姓土默特。因滅扈倫國之

納喇部。遂以為姓。世居葉赫部。古祿格以葉赫部亡。往依土
默特部。博碩克圖汗於歸化城。號楚琥爾。嗣博碩克圖汗卒。
察哈爾林丹汗攻滅土默特。役屬之。天聰六年。大軍征察哈
爾。古祿格偵林丹汗由歸化城西遁。懼掠。匿山峇。乃免。旋請
內附。九年。來朝。優賚之。崇德元年。授左翼都統。與右翼都統
杭高並駐守歸化城。三年春。以喀爾喀扎薩克圖汗擁衆逼
歸化城。馳疏聞上。統大軍征之。扎薩克圖汗遁。師旋。諭古祿
格及右翼都統杭高曰。爾等所守城小。壕狹。勢難禦敵。宜於
城外建築層垣。以資捍衛。垣如城然。高一丈五尺。闊稱之。俾
可屯兵其上。垣四面置門。門各置甕城。四隅各建望樓。垣外
環以深壕。工竣之日。內城外垣嚴加防守。敵自不敢窺伺。爾
等其善為之。夏。率參領韜瑚等九十六人來朝。遣官迎宴。詔

授一等男爵賜弓矢冠服冬遣烏巴什等貢朝珠文綺四年
獻所獲明歲給幣五年授其子烏克蘇穆佐領職俾協守歸
化城六年正月古祿格遣弟巴圖等貢駝馬三月復遣使納
穆習禮等解送來降蒙古獎賜白金有差順治元年遣使獻
方物賜雕鞍弓矢皮幣二年獎宣力年久勤勞懋著晉爵三
等子特頒珠頂貂帽朝衣玉帶甲胄弓矢等物以殊異之六
年睿親王多爾袞征喀爾喀古祿格以兵來會偵喀爾喀遁
乃歸康熙五年卒長子烏巴什泰襲三等子四子錫喇布襲
都統
阿喇納古祿格第五子康熙二十五年由佐領襲都統二十
七年偕副都統阿迪等選兵偵禦噶勒丹三十年命護視附
近歸化城游牧之喀爾喀衆母致失所三十五年偕阿迪等

隨大將軍費揚古擊噶勒丹於昭莫多師旋運礮七十九
歸化城三十六年正月助軍駝三月駕由歸化城視師寧夏
以土默特士衆委靡軍律廢弛削職尋卒
丹津古睦德長子初授侍衛兼在京佐領職康熙四十三年
赴歸化城襲都統先是烏巴什泰襲三等子卒阿玉什襲阿
玉什卒子多爾濟襲五十九年多爾濟以罪革三等子命丹
津兼襲雍正元年疏請建至聖先師廟於歸化城左右翼各
設滿學教官一歸化城增設理事同知皆允行復以訓所部
弁兵嫻弓馬諭右翼都統如世襲舊制九年大軍議剿噶勒
丹策凌命丹津與副都統五十六酌辦歸化城駐兵事宜尋
因移駐洪果爾鄂隆詔察給兵騎十二年以烏喇特部被災
損牧畜遵旨察閱戶口發歸化城帑賑之十三年九月奏歸

化城每年解額爾德尼昭糧米四萬八百石。向用內扎薩克
等牛車及喀爾喀官駝請自來年始募商駝輓運。停喀爾喀
官駝令善牧備軍用。又應運米向由山西巡撫撥解。道紆不
無竭蹶。請以商人所納倉米十萬石就近解送。庶經費省。動
用亦便。上從其請。十二月命大臣赴歸化城視形勝地築城。
屯田以丹津及根敦協理之。乾隆元年設馬廠於歸化城北。
詔丹津董牧務。二年卒。詔停襲左翼都統以嗣子扎什泰襲
三等子。
丹鼐丹津子也。幼岐嶷喜讀書。僮多奇氣。康熙四十三年。
襲佐領職。四十八年擢為侍衛材官。五十九年三月以軍前
奪馬功陞侍衛班長。六十一年八月有巴爾扈率衆逃走。命
鼐追之。凡十五晝夜行六千餘里。至圖拉河汗山之北偵得。

虛寶全獲而歸擢頭等侍衛雍正元年五月命往湟中襄辦軍務二年奉命征剿青海羅布藏丹晉以禽斬堅錯堪布加陞副都統四年駐守西寧總理彝蕃地方授散秩大臣兼副都統八年三月西海彝酋諾爾布倡亂於察丹而墨爾根岱青察哈阿爾布坦等亦隨叛時胤適以事在臯蘭聞變星馳出口率百餘人追獲阿爾布坦並戮其子安撫察丹人衆乃執諾爾布解赴軍前捷聞賞軍士銀三千兩賜胤頭等軍牌復加一級自二年從奮威將軍征青海屢年克著邊功朝廷方隆倚畀旋以積勞邁疾卒世宗特召其父丹津賜內帑千金諄諄安慰又勅賜葬銀五百兩遣官致祭焉

託博克土默特人姓博爾濟吉特世居歸化城隸土默特博碩克圖汗部嗣因察哈爾林丹汗滅土默特遂為所屬天聰

六年大軍征察哈爾。託博克偵林丹汗西遁。籲請內附。九年來朝。優賚之。崇德九年授託博克三等參領。隸右翼。與都統抗高協守歸化城。三年率子瓦駟來朝。授一等輕車都尉。世職。瓦駟以佐領授騎都尉。五年詔晉託博克一等參領。賚弓矢冠服諸物。六年賜貢使圖們博奇等宴及甲冑冠服。順治元年獻駝馬貂皮。三年隨豫親王多鐸擊喀爾喀土謝圖汗及車臣汗兵於扎濟布喇克。四年叙功。詔授右翼都統。時杭高子巴桑因軍務獲罪削職。以託博克代之。六年復隨英親王阿濟格討叛鎮姜瓖於大同。屢敗賊衆。康熙九年卒。賜諡果壯。長子瓦駟以騎都尉兼襲一等輕車都尉。詔加為三等男。次子古魯襲都統。

古魯。託博克次子。康熙九年由佐領襲都統。十三年詔選兵。

入邊會剿陝西叛鎮王輔臣十四年正月偕副都統席第等率土默特兵七百至榆林聽調諭獎其聞命速赴三月由榆林迎提督陳福軍於興武營會鄂爾多斯部貝勒索諾木亦率兵至五月合圍花馬池叛賊朱龍糾衆援大軍迎擊之朱龍遁城守賊出降花馬池平六月隨大軍復甯井安邊諸砦七月進圍定邊撫定下馬關師還駐榆林八月由西安援剿固原十五年正月寧夏兵變詔古魯等防守靈州定邊等處旋請屯黃河岸抗寇衝允之三月敗賊衆於靈州六月關隴平叙軍功以兄瓦駟已卒兼襲三等男二十年卒子拉察布襲

烏把什託博克第三子康熙二十一年由佐領襲都統二十八年備兵防噶勒丹二十九年運殺虎口倉粟濟都統額赫

訥軍三十五年副都統多爾濟等隨西路大將軍費揚古進
擊噶勒丹命安郡王瑪爾渾統土默特兵防歸化城噶勒丹
既敗遁瑪爾渾移駐愛畢哈錫喇穆稜界留兵所部以烏巴
什子副都統阿弼達領之是年烏巴什卒阿弼達襲都統
根敦阿弼達長子初授副都統康熙五十九年授參贊大臣
隨振武將軍傅爾丹由阿爾臺進剿策旺阿喇布坦至格爾
額爾格擒罕桑貝坤等百餘人復焚其糧於烏蘭呼濟爾優
賚之雍正元年襲都統二年詔率滿洲兵二千赴巴里坤防
禦青海叛賊羅卜藏丹晉尋分兵千駐吐魯番境師旋入覲
賜孔雀翎及御書福字白金等物九年三月大軍議剿噶勒
丹策稜根敦率土默特兵千赴涼州聽調七月會西路軍於
巴里坤偵噶勒丹策稜遣兵由伊犁犯北路軍於和通呼爾

哈諾爾根敦隨西路大將軍岳鍾琪為擣巢計襲擊烏魯木
齊大敗之追至額爾穆克河而還十月諭曰土默特將弁兵
丁連歲從征甚屬勤勞已命頒帑賞賚至都統根敦向在阿
爾臺軍營効力十有餘年今復至巴里坤懋著勞績朕甚嘉
之特賞御用冠服及銀二百兩以示獎勵十年隨副將軍常
賚等率兵三千餘赴哈密援剿十三年撤兵由塔勒納沁入
嘉峪關還軍歸化城是年詔偕丹津協理屯田事乾隆元年
叙功賚幣四年來朝七年卒子班達爾什襲班達爾什雍正
七年隨大將軍傅爾丹駐防北路軍營乾隆七年由參領襲
都統尋來朝賜孔雀翎扈蹕五台山以校射獲優賚十九年
卒詔停襲右翼都統改三等男孫賽里克圖襲

烏爾圖納遜土默特人咸豐六年二月以右翼驍騎校派往

山東曹單一帶防剿管帶馬隊臨敵驍勇攻破雉河集八月
在亳州十八里鋪之戰禽斬逆首奉旨賞戴藍翎七年二月
攻奪烏龍集進剿楊家集解固始之圍八月叙克復正陽關
霍邱縣功升防禦九月帶馬隊復解固始圍賞換花翎八年
十一月補佐領九年帶領土默特馬隊馳抵天津海口大梁
子張家灣通州八里橋等處與英軍大戰十二月隨僧親王
河南歸德府之役斬殺甚多賞圖爾格齊巴圖魯勇號同治
元年七月擒匪大股竄入魚台一帶以戰功加副都統銜二
年因擒獲擒首多名加頭品頂戴是年補參領七年十二月
回匪竄出鄂爾多斯地撲犯河干綏遠將軍定安奏派率吉
林黑龍江馬隊渡河進剿八年三月因股匪竄擾後套纏金
地方復督所部剿辦在烏拉特旗合木爾和碩及阿拉善旗

紅柳溝各處次第剷除奉旨以副都統記名簡放十二年舊
創復發兼之積勞成疾以參領終
烏爾貢扎布土默特人咸豐三年率本旗馬步隊兵一千五
百名赴直隸山東河南各省剷辦捻匪屢著戰功克復名城
得授頭品頂戴記名副都統賞戴花翎給予伊克斯巴圖魯
勇號因在營久積勞病卒
僧格四子部落人姓博爾濟吉特元太祖弟哈巴圖哈薩爾
十六世孫父諾延泰有四子長即僧格號墨爾根和碩齊次
索諾木號達爾汗台吉次鄂木布號布庫台吉次伊爾扎布
號墨爾根台吉四子分牧而處後遂為其部稱天聰四年內
附五年從征明大凌河敗錦州援兵獻俘百餘賜酒勞飲給
陣獲甲仗六年從征察哈爾七年率弟索諾木等獻駝馬優

賚甲冑、雕鞍、鞵帶及幣，並賜以宴。卒年不詳。
鄂木布四子部落人。僧格弟。天聰七年來朝。八年偕兄僧格、
索諾木弟伊爾扎布等會大軍於錫喇烏蘇，從征，明入得勝、
堡、克堡四，有敵兵三百，自大同城潛出，追擊之，俘附明蒙古、
務巴什、索諾木、朗素等師，旋以奈曼翁牛特部違令，罪各罰、
駝馬，詔分給鄂木布。崇德元年，獻駝馬、貂皮，賜宴及甲冑、雕、
鞍、綵幣，授扎薩克。賜號達爾汗卓哩克圖。二年，遣使貢駝馬、
三年春，從征喀爾喀。扎薩克圖汗冬，隨貝勒岳託征，明敗太、
監馮永盛軍。四年，以巴林部從征喀爾喀，私遣馬先歸，罪議、
蜀戶口，詔賜鄂木布十之六。六年春，遣蒙庫色來朝，賚綵幣、
復以其屬博內從征，索倫凱旋，賚甲冑、弓矢、裘服、金幣。冬，獻、
駝馬。七年來朝，尋以大軍征，明錦州、松山、捷慶，獻馬、貂皮，賜、

布幣順治三年以蘇尼特部騰機思等叛逃率衆往剽陣斬
台吉烏班岱多爾濟恩喀莽固思額爾蜜克碩達等擒叛屬
百五十餘獲駝馬牛羊甚衆命問之六年封多羅郡王詔世
襲罔替是年冬睿親王多爾袞征喀爾喀鄂木布以兵會什
巴爾台其屬博內偵敵蹤失寶議罰牲畜以前屢効戎績宥
之十年鄂木布卒子巴拜襲
沙克都爾鄂木布孫康熙三年襲扎薩克多羅達爾汗卓哩
克圖郡王十四年駐牧宣府左翼四旗察哈爾為叛人布爾
尼所煽毀邊私遁沙克都爾馳奏諭獎之賜御服貂裘復以
沙克都爾遣屬額布根畢里克等擒喀爾喀右翼鎮國公札
穆素叛卒五詔給所獲十六年卒
阿喇布坦多爾濟沙克都爾曾孫康熙十四年襲扎薩克多

羅達爾漢卓哩克圖郡王。雍正九年，詔授副將軍，率兵駐固爾班賽堪。防噶爾丹策凌。十年，移駐伯格爾。十二年，移駐扎布堪。十三年，撤大軍還，詔阿喇布坦多爾濟以兵千留駐烏里雅蘇臺。乾隆元年，自軍還。二十四年，大軍平回部，以督購駝馬功，獎給幣。三十六年，以病罷。卒年不詳。

森格，茂明安部人，姓博爾濟吉特。元太祖弟哈巴圖哈薩爾十六世孫。父車根天聰七年來歸。八年，從征明大同。崇德元年冬，從征朝鮮。三年，從睿親王多爾袞入明邊，下山東濟南。還卒。康熙三年，詔授森格扎薩克一等台吉。十一年卒。子諾爾布襲。三十五年，從大將軍費揚古敗噶爾丹於昭莫多。三十六年，復請備糧從征，凱旋得優賚。雍正元年卒。

固穆巴圖爾扎薩克台吉森格叔祖崇德元年來朝。三年，從

睿親王多爾袞入明邊破太監高子潛軍至山東克濟南順
治三年從豫親王多鐸剿蘇尼特部叛人騰機思至喀爾喀
敗土謝圖汗車臣汗援兵五年叙功封輔國公七年晉多羅貝勒
詔世襲罔替康熙三年卒子巴圖襲巴圖第三子班第於康
熙三十五年從大將軍費揚古敗噶爾丹於昭莫多三十六
年復請備糧從征凱旋得優賚焉

圖巴烏喇特部人姓博爾濟吉特元太祖弟哈巴圖哈薩爾
十八世孫號額爾赫台吉父哈尼泰水圖台吉子八長綽阿

克圖布克次託和阿布爾扈次莽阿次哈爾岱次即圖巴次
桑阿爾齊次音丹次班第天聰八年圖巴偕桑阿爾齊來朝

獻駝馬尋偕綽阿克圖布克託和阿布爾扈莽阿哈爾岱桑
阿爾齊等從征明大同崇德元年圖巴從征朝鮮二年正月

率兵二百由咸鏡道進征瓦爾喀。敗朝鮮援兵於吉木海。三年偕綽阿克圖布克託和阿布爾扈桑阿爾齊班第等會征喀爾喀。四年從征明松山。五年春朝正。獻金珠幣馬。賜宴及儀仗甲冑弓矢。冬遣桑阿爾齊貢馬匹。六年遣子阿畢雅及屬烏巴什等獻駝馬貂皮。優賚之。七年叙從征明錦州。功賜圖巴及子海色等布幣。是年冬選兵從征明薊州。八年莽阿哈爾岱來獻俘圖巴。復率諸台吉表貢馬。順治三年從征蘇尼特叛人騰機思。敗喀爾喀土謝圖汗車臣汗。援兵於扎濟布拉克。五年封扎薩克鎮國公。詔世襲罔替。十三年卒。子海色襲。

諤班烏喇特部人。姓博爾濟吉特。鎮國公圖巴從子。父鄂木布號圖們達爾漢台吉。天聰八年來朝。獻駝馬。從征明大同。

尋卒崇德元年。諤班從征朝鮮。三年率兵會征喀爾喀。四年從征明松山。六年春朝正。賚布幣。秋遣屬翁阿岱來朝。賜章服及貂冠、鞞帶。冬復遣使圖倫達爾漢來朝。七年叙從征明錦州功。賜諤班及屬鄂爾本等布幣。是年冬選兵從征明薊州。八年鄂爾本來獻俘。諤班復奉表貢馬。順治三年從剿蘇尼特叛人騰機思。敗喀爾喀土謝圖汗車臣汗。援兵於扎濟布拉克。五年封扎薩克鎮國公。詔世襲罔替。十五年卒。子四長博勒都呼次博勒圖相繼襲鎮國公。次布延圖授台吉。次阿玉什亦襲鎮國公。

諾們阿玉什長子康熙十一年襲扎薩克鎮國公。十七年厄魯特額爾德尼和碩齊等糾衆入內汛。劫殺所部巴達哩察罕烏爾圖三台吉。并掠其戚屬。諭諾們恤所遺幼衆。并檄諸

鄰部協防。汎十八年前被掠之博垂道歸告厄魯特復謀來
掠狀。諾們赴汎禦之。馳疏聞詔。伊克昭烏蘭察布二盟發兵
援剿。尋以厄魯特獻巴達哩子女。詔諾們收養。復諭厄魯特
歸所掠。二十二年卒。子達爾瑪第襲。

巴克巴海烏喇特部人。姓博爾濟吉特。鎮國公圖巴從孫。父

色稜號伊勒登和碩齊子。七長噶布次鄂博惠次德木德次

阿巴噶勒岱次。即巴克巴海次鄂摩克次鄂摩壘。天聰八年

色稜來朝獻駝馬。尋偕阿巴噶勒岱鄂摩壘等從征。明大同

崇德元年。其屬山津以奉命致書朝鮮。遇明皮島兵阻擊之。

中創歸。得優賚。二年遣屬圖伯特來朝。色稜尋卒。三年巴克

巴海率兵會征喀爾喀。四年從征。明松山。六年遣使珠察等

來朝。七年叙從征。明錦州功。賜巴克巴海及屬多爾濟等布

幣是年冬選兵從征明薊州八年遣使獻俘復親奉表貢馬
順治五年封扎薩克輔國公詔世襲罔替是年卒弟楚充客
襲
本塔爾喀爾喀部人姓博爾濟吉特元太祖二十世孫順治
十年三月封扎薩克和碩達爾汗親王詔世襲罔替六月喀
爾喀土謝圖汗衮布等請遣本塔爾還喀爾喀上以衮布不
察歸所掠巴林人畜又不遣子弟來朝妄請給來歸人詔責
之十七年本塔爾來朝康熙八年卒第四子諾內襲十四年
其叔父鎮國公扎木素暨子薩嘛噶越界叛逃諾內偕弟薩
瑪第等率兵追獲諭獎之賚鞍馬蟒幣茶布二十七年噶爾
丹侵喀爾喀土謝圖汗車臣汗扎薩克圖汗屬皆被掠赴界
乞降命諾內率所部及烏喇特茂明安二千偵禦噶爾丹二

十八年偕台吉弼哩克圖齎敕諭喀爾喀額爾克岱青諾顏
善巴額爾克阿海台吉敖巴令撫輯離衆二十九年三月率
四子部落及歸化城土默特兵千屯圖拉河七月分兵駐歸
化城三十一年賜米賑所屬貧戶三十四年大軍議剿噶爾
丹諭厲兵秣馬以待三十五年五月偕喀爾喀郡王善巴衮
布等由西路隨大將軍費揚古敗噶爾丹於召莫多俘其衆
五百五十九八月大軍駐善巴界諾內復以兵從十月上駐
蹕歸化城諾內自軍來朝三十六年正月獻駝運米尋請備
糧從征六月噶爾丹竄斃撤兵四十六年卒子詹達固密降
襲達爾汗貝勒

額璘臣鄂爾多斯部人姓博爾濟吉特元太祖二十一世孫

祖布延巴圖爾渾台吉父博碩克圖世為鄂爾多斯濟農察

哈爾林丹汗惡之奪濟農號天聰九年額臣偕弟垂喇渾台
吉來歸賜復濟農號自是頻入覲賜宴及甲冑弓矢鞍馬銀
幣順治元年獻駝馬貂皮得優賚六年來朝以不附所部大
札木素等叛救曰爾多斯濟農察哈爾林丹汗攻克爾部去
濟農號林丹敗奔爾未隨往我軍盡收察哈爾部衆仍賜爾
故號俾統爾衆爾果舉部內附特封爾為多羅郡王世襲罔
替十三年卒無嗣弟垂喇渾台吉之次子巴圖襲明年巴圖
以罪削爵命其兄固魯襲十六年以其屬貧乏賜馬百牛五
十羊千贍之康熙十三年冬寧夏總兵陳福徵兵剿叛鎮王
輔臣固魯屯寧夏邊聽調十四年賊黨孫崇雅陷神木固魯
以延綏總兵許占魁告急率子伊斯多爾濟馳赴援尋偕同
部貝子色稜固魯什希布等助官軍擊賊神木遂復十八年

詔嘉其功。晉和碩親王。三十一年卒。
棟羅布固魯次子。康熙三十一年襲扎薩克多羅郡王。三十
六年從征噶爾丹。督兵護糧運。四十二年上閱兵西安。棟羅
布偕貝勒松喇布來朝。扈蹕至演武場。見官兵嚴整。奏臣等
知禁軍精練。天下無敵。未知外省兵復如此。當億萬年永享
昇平。賜宴遣歸。五十四年詔徵所部兵二千防禦策旺阿喇
布坦。以貝勒幹珠爾領之。五十七年卒。長子薩克巴襲。
馬元勳。世秉天方教。原籍陝西。大荔清初隨征。噶爾丹至歸
化。因家焉。元勳幼失怙恃。育於兄嫂。得以成立。天性肫厚篤
內行。風姿颯爽。通兵事。弱冠從戎。積功至福建游擊。直隸參
將。記名提督。元勳歷膺顯職。事兄嫂恭謹盡禮。迄老不衰。一
門怡怡。鄉人稱之。乾隆末葉。值覃慶元勳臚陳。兄嫂鞠育狀。

轉請馳封朝旨特允冊誥馳封如制

韓秉鈞字桂農原籍山西平魯後移居歸化以道光己酉拔

貢朝考二等選授石樓縣訓導卓著政聲丁憂去官服闋候

補河津縣訓導陞補潞安府教授以保舉加五品銜先後設

帳本城十餘年本家訓教人子如己子裁成最衆如榜眼王

賡榮進士鄭永貞舉人席儒拔貢裴清李廣年皆其門人游

庠補廩者幾二十人弟振鈞字保軒同治癸酉拔貢論者謂

為德教之徵韓氏昆弟品學兼優且有孝行秉鈞著有求益

齋詩文集當道咸間設帳歸化城教授生徒者有大同附生

張錫九孝廉裴日章及祁文煒諸先生秉鈞父嘉會久居歸

化授徒幼時皆曾受業於諸先生門下云

榮昌字錫三綏遠城蒙古鑲黃旗人本姓安氏光緒三年派

赴科布多以當差勤奮升任行營兵部主事在職二十餘年
返綏防任本旗協領歷七八年又赴烏里雅蘇台為厄魯特
領隊大臣經二三年升調塔爾巴哈台領隊大臣宣統元年
回綏民國七年卒年七十二子一奎慶右玉駐防協領

英秀字俊臣綏遠城鑲藍旗人光緒中自綏防派赴科布多

戍守由筆帖式游升行營兵部主事歷著政績大洽蒙情二

十八年定邊左副將軍瑞洵以秀熟悉邊事堪資重任奏保

補授科布多參贊大臣在任協理戎機盡心治理深為蒙漢

愛戴宣統三年卸職回綏時值地方不靖經綏遠將軍堃岫

聘參戎幕多所建議於綏輯蒙漢安撫地方與有力焉民國

十三年卒年六十三

王錫綸歸化廳人廩貢生候選教諭徐溝縣教諭

王黼卿歸化廳人監生候選通判湖南昭通通判

成復興歸化廳人監生候選縣丞浙江烏程縣縣丞

皇甫建歸化廳人附貢試用訓導

周召崇薩拉齊廳人候選同知

王尊五薩拉齊廳人光緒丙子舉人和順縣教諭

安廷芝薩拉齊廳人陝西安定縣典史

張翹薩拉齊廳人廩貢生候選州判

張命中薩拉齊廳人廩貢生候選訓導

郭向榮薩拉齊廳人武舉入伍叙功擢升陝西副將

↑民國

龔秉鈞字子和原籍順天大興父秀峰游幕來綏遂家焉秉

鈞四歲失怙家貧母氏張課讀綦嚴稍長受學於雁門吳天

章補博士弟子員在里設帳課徒光緒末太原創立大學堂
秉鈞千里負笈為邦人倡三十一年晉撫岑春煊選三晉才
雋官費送日留學入東京警監學堂肄業與同行李景泉撰
東游日記及敬告口外十二廳父老書破鄉人守舊之習啟
學子愛國之忱邑人感動旋入東京法政大學三十三年晉
提學使調歸太原歷充學務公所要職省視學專門科科長
蒙養院院董女子師範學堂總理實業學堂監督醫學館監
督極為學使倚畀民國元年春以委知托縣事返綏集士紳
設廳議會於歸綏辦理地方善後各縣仿行秩序大定逾年
調晉為內務司長得上考保薦縣知事直隸巡按使朱家寶
聞秉鈞名調赴河北三年冬委知大城縣事大城地近河頻
年苦水患秉鈞躬督民夫疏濬培築遂獲奠安民甚感之在

任三年循良報最。七年被選為參議院議員。八年五月卒於北京。年四十九。無子。以弟子國華嗣。

阿克敦字厚齋。綏遠城滿洲人。其先祖額莫爾賡以三等侍衛從龍有勲。曾膺巴圖魯勇號。其後代有顯者。乾隆二十八年駐防來綏。歷傳至君穎。悟過人力學不倦。光緒十八年補驍騎校。二十六年拳亂起。奉派管帶綏城馬隊。赴大青山一帶據險防守。民教多所保全。二十八年貽穀督壑。駐綏拔識於旗員中。委辦綏遠八旗牧廠屯墾。並會辦清理土默特地畝。三十年補授防禦。嗣貽穀任將軍。銳意整頓旗政。以君素有廉名。委為旗庫總管。三十二年升補佐領。次年因軍政考績保薦卓異。自庚子以還。厲行新政。軍政界膺特獎者。君其始也。宣統元年。綏城添練新軍。委君管帶陸軍步兵第一營。

是年補協領。後以庫倫辦事大臣三多與庫佛哲布尊丹巴
積不相能。互為訐奏。奉旨派往查辦。旋以鼎革回城。民國元
年秋。張紹曾接任將軍。貽穀以邊才難得。為之推薦。下車即
延禮之。任為本府高等顧問。二年充總務廳參事官。兼旗務
科科長。代理總務廳長。繼又委為籌備政務處處長。三年綏
遠劃為特別行政區。改委政務廳財政科科長。兼八旗生計處
總辦。旗務處總管。迨將軍府改組。都統署委為總務科科長。
四年當選綏區國民會議議員。時君內佐都署政務外。籌旗
丁生計。以一身兼數職。力任勞怨。久遂致疾。卒於民國六年
年五十。

文哲瑋。字潤齋。隸綏遠。駐防軍籍。賦性英毅。幼從名宿。余梅

溪游光。緒八年。甫弱冠。佐定邊。左副將軍幕。遇事建白。多見

采用丁亥秋烏梁海匪變當事主剿瑋曰禍變之來由於激
若重用剿是益滋亂矣殲魁宥從鎮而撫之保全不更多乎
如議行之事遂大定由掌印主事積功改任綏防協領旋因
軍功保升副將加副都統銜三十一年特授鎮守歸化城副
都統條陳邊計如興學練兵諸要政均見施行三十三年以
上書奏劾墾務辦理失當得旨解組歸田閉門讀書課子尤
好獎勵寒畯嘗手輯烏梁海紀畧及善惡驗證集傳誦於時
瑋服官三十載治事務持大體凡有關國計民生者知無不
言言無不行遇地方有大興革衆議紛紜待瑋一言而決其
誠信素孚於桑梓者如此民國十七年七月卒時年六十八
鄭永貞字子固原籍大同幼讀書隨父母寄居歸化遂家焉
年十八入大同縣學時同治五年歸綏尚未設學額也嗣游

學忻州。入秀容書院肄業。十二年補廩食餼。後轉學於晉陽書院。芮城薛仁齋主講。勉學堂乃得及門受業。光緒五年中副榜。次年至京師。從江西許仙屏、大同劉乙觀諸名師游學。業大進。十一年遂舉於鄉。明年返歸化。提倡麗澤文社。延昌黎劉子儀。閱課進士張子和同學友也。適主講啟秀書院。論文評詩。極一時文壇盛事。光緒十五年己丑成進士。以知縣分發河南。補用獎防河功。歷保直隸州知州。四品頂戴。乙未積南召辦賑。榮澤搶險功。薦署孟縣事。二十六年復署商城。知縣當光緒季年。永貞以值商戰時代。注意紡織業。擇地於彰德郭外。創設廣益紡紗公司。旋就職道班。獎叙二品銜。然自是專心於工商。無意於仕進。宣統三年。以同鄉人公舉。回晉修同蒲鐵路由榆次起。修數十里。值民軍起義。停工。先是

命子國賢國治會同劉懋賞諸紳創辦朔州廣裕墾牧公司。由寧武陽防口開渠引分水嶺之恢河下接桑乾河可變沙漠為膏腴貸款集事得良田二千餘頃既而應州亦有灌田廣濟公司之設實是役有以倡之地方至今利賴焉永貞初辦紡紗為北數省開風氣繼事墾牧為桑梓謀利益至為士論所稱重民國十一年五月卒年七十四。李景泉字星垣歸綏縣人幼家貧苦學祁寒盛暑弗少輟聞戚友有藏書必展轉假鈔熟讀數年已盡通經史大義月課古豐書院每試輒冠儕輩鄉人以龔李並稱光緒十三年歸綏初立學校試士即以是年入廳學藉課金館穀以自給艱阻既輕下帷益苦光緒季年入山西大學堂肄業尋主講歸綏中學三十一年與同邑龔秉鈞留學日本返國被選為山

西諮議局議員自治籌備處處長民國元年知薩拉齊兼五
原縣事並總辦包頭鹽務是年冬被選第一屆衆議院議員
迨國會遭非法解散以討袁護法南北奔馳者四五年及飽
經患難而又蒿目時艱直欲避跡入山以家人勸阻慨然曰
吾效棄儒之慧可既不可得其唯學在家之龐居士乎遂自
號心源居士潛心釋典茹素禮佛十三年春綏遠都統馬福
祥素重君名欲相助為理保任道尹重以桑梓大義督勸乃
就職治事一年即卸職以賦遂初焉十五年冬三晉闔公招
赴太原任省府參議優其廩給蓋以慰其晚境俾與晉陽逃
禪諸老宿相往還意至厚也至是居并垣者六七年嗣審衰
疲動故園之思乃買車出塞返鄉里終日習靜不與世通於
二十三年九月以微疾遽卒年六十二

閻懋字德甫。托克托縣人。幼穎悟。初學商。非所願也。乃棄去。奮志攻讀。光緒二十二年。入原籍保德州學。藝業冠諸生。歸設塾。集親屬子弟。勤懇訓迪。終年無倦容。值庚子拳亂起。境內附和者衆。風靡一時。懋獨嚴戒諸生。不使與聞。迨後禍延鄉里。人服其有識焉。二十八年。托廳創設學校。出長河口鎮。兩等學堂事。凡所講授。一以實用為歸。目擊時事日艱。非革新不足自強。力促同里劉兆瑞留學東瀛。比返國時。為懋陳說革命意義於孫中山主張。多有領會。宣統初。同盟會員李德懋至。托藉提倡武術。物色同志。與懋深相結納。三年冬。黨人郭鴻霖起義。事洩。殉難於包頭。同黨楊得麟出走。所至無敢留者。懋毅然庇護之。得免於難。既而山西民軍北至。薩拉齊懋與同志劉兆瑞、李永清密遣人迎之。入托。將以為攻取。

歸化之根據。尋以遜位詔下。宣布共和。民軍南返太原。越日清軍大至。疾諸人。迎勞民軍也。悉抄沒其家。索懋等且急懋偕弟肅脫險。至晉。民國元年春。閻公錫山嘉其勞績。任為東勝縣知事。年餘解組。復佐理歸綏警務。三年托之紳商公選為河口商會會長。力請當道減輕稅捐。尤著成績。四年冬。盧匪大股攻陷托城及河口鎮。市民逃散。懋期保全萬一不避艱險。出而維持。其間匪首頗納其言。盤踞數日。幸未大遭焚掠。僅在退出時騷動較甚。然城鎮財產賴此得全者大矣。托河向稱商務繁盛之區。經此匪災。肆多閉歇。頓見蕭條。乃設法調劑各商金融。行之期年。商業復興。四民充裕。六年於鎮內籌設乙種商業學校。又見邑中優秀子弟。每以家寒不易外出求學。則為籌的款以津貼之。鎮南當黑河故道。地勢窪

下向有大堤為全市保障後漸圯廢多水患懋倡修之築堤
植樹河防乃固七年秋以積勞致疾卒年四十四
武爾功字聘卿土默特人幼孤貧力學不倦性通敏有濟變
才遇事能持人體舊例旗署最重年資爾功獨以年少參預
旗務為上官所愛重光緒末本旗編練陸軍使掌書記贊畫
之力尤多宣統間副都統三多甚器重之及任庫倫辦事大
臣特奏調赴庫寄以機要之任三年冬外蒙獨立解職回旗
民國三年春綏遠將軍請准撤銷副都統缺遣散土默特陸
軍並旗制取銷之爾功以西蒙內向庫亂甫平邊局方告安
定中央正議撫綏土默特翊贊共和最先而首予銷除旗制
將啟各旗疑懼之心難收用蒙導蒙之效非今政府鞏固三
邊區域之本意全旗官佐極聽其言公推代表晉京請願是

舉也。參領都格爾扎布實主持之。爾功至京書凡六七上痛
陳利害。皆闕邊防大計。中央卒從其請。四年春改設總管以
理旗務。欵准自收自支。其遇事敢任。獨見其大類如此。玉祿
爾功之族兄也。當民二綏軍征蒙時。祿任本旗陸軍連長。隨
大軍北征。所部在伊克地方。譁變。祿恐士兵流落為匪。不得
已隨去。當道將主追剿。爾功以兵皆各佐壯丁。事有所迫。絕
非甘心為亂。聯紳商請撫軍府以為然。派綏商段履莊往諭
其衆。編為警備隊。祿任隊長。其後改編補充團。剿匪。綏西迭
著奇勳。壯烈殉身。卒成名將。祿之陷沒於匪也。爾功適在東
勝縣。長任亦幾陷匪中。時全團以頓失主將。羣情震動。地方
危急。爾功與團副滿泰安輯軍心。布置防務。未至全局糜爛。
旋以援兵繼至。得以轉危為安。都統李鳴鐘既痛惜玉祿之

死復嘉獎爾功之功仍令回東勝任將加擢用未幾卸任而去爾功在職四年以縣境土瘠民貧一以減輕負擔為主民甚感之民國十七年二月卒於任年四十七

卜兆瑞字夢庚包頭縣人宣統末畢業於北京高等警官學校民國三年返綏任職歸綏中學體育教員旋充學監王定圻之被逮也兆瑞以與李正樂等嘗預一報社事同遭禁錮幾不免久始得釋六年以都統蔣雁行收撫盧匪貽害地方聯紳商入京謁總統籲陳民意都統撤職改撫為剿七年地方舉為衆議院議員任滿返綏致力墾牧滿泰鎮守綏西時延之入幕參軍事十七年九月任歸綏市公安局局長時值軍興之後饑饉連年萑苻潛跡乘機肆擾省垣及近郊時有劫案乃嚴為偵緝先後破獲要犯二十餘起地面賴以安謐

綏自十五年以還大旱為災至是年冬各縣鄉民以謀生路
絕漸有鬻賣婦孺者及十八年鬻者更夥平綏路車幾無日
無之夫喚兒啼悲聲四達薩色二地竟成市場奸徒轉販內
地輒多流入娼寮兆瑞分派警士駐站盤詰日有截獲留養
局內積久人數衆多請准省府撥款與逃難婦孺一併設所
收養隨時准由親屬認領災童或送救孤院習藝被鬻婦孺
經市公安局救濟得以保全者已達百數十人二十年冬卸
職買宅新城居之二十四年春邁疾卒年五十三
都格爾扎布字昶玉土默特右翼人姓雲碩布氏世居薩屬
之美岱召村年十九入旗本啟運書院力學乏資則鬻勞以助
膏火夜輒以綫香映讀如是五年以文學受知上官入旗署
為掌書記雖譯事繁蹟而案無留牘以耿直不諧於時浮沉

記室十二載。光緒二十一年始擢驍騎校。時年已三十八矣。二十七年升佐領。以查辦烏蘭補爾仇教賠款案。措置協機。特擢為右翼六甲參領。旗署興革大計。向由十二參領主持。至是以銳意整頓旗務為職志。旋總理旗庫事。開源節流。歲入為增。民國初年。旗屬煤釐收歸軍署。派征且將。取消旗制。以茲事為本。旗存亡所繫。日夜籌思。幾廢寢食。既毅然決策。請願參領賀色畚亦力贊之。遣驍騎校武爾功走京師。陳利害。卒存旗制。改設總管。發還煤鑛。旗款自收。自支。當旗事絕續之交。以一身肩艱危之任。犯當道之忌。人所難能。其功尤不可沒也。平生於本旗興學練兵二事。亦多所建樹。舊制本旗有常備操演各營。光緒末改編陸軍副都統麟壽委以總辦全旗陸軍營務。督練數年。終成勁旅。辛亥秋復添練一營。

以固防守。入民國後，各縣多被匪害。凡騎兵團駐地，均晏然無驚。騎兵團俗稱老一團，歷經改編，易名蓋猶當年督練之陸軍也。啟運書院為本旗造就蒙漢文人材之學府，清末廢科舉，改學校，副都統文哲琿畀以學務總監督之任，乃改書院為高等小學堂，更設小學於各縣鎮，實行子弟失學罪，其家長之制，廣延名師，優其禮遇。雁門吳天章、四明應炳華先後主講，高校才雋，成就尤多。民國五年冬，部派視學來綏，攷查成績，列為全區之冠。時長校事者為歸綏郭象伋也。迨後內而京津滬晉，外而日法諸邦，皆有本旗負笈之士，其振興學務之功甚偉。民國肇造，忻然曰：五族平等，萬邦協和，甚盛事也。首先代表全旗蒙衆入都，覲見元首，備蒙嘉許，特加副都統銜，並賞寶瓶銀物，賜錢時令，轉諭各旗。於是兩盟王公。

連翩覲賀及庫倫獨立屢誘內蒙叛變卒無一旗響應者其效可觀矣十六年秋病逝年七十一

劉會文本名聚章以字行薩拉齊縣人民國元年為縣署教育科長性豪爽喜談兵事武川編練警備隊知事王朝烈使任隊官後以警隊譁潰離綏入陝七年任靖國軍參謀十二年返綏都統馬福祥以警備隊兵力單弱俾增募一營充營長冬升分司令十三年駐薩兼清鄉司令時哥老會匪擾害各處緝獲匪首池喜全置於法餘衆遠避十四年春剿劉喇嘛股大破之冬擊斃匪首楊巴兔十五年升為警備隊第一路司令兼綏西剿匪副司令獲哥老會首顧煥章斬之大辦四子黑臉王各股盤踞於五原乃率隊克復隆興長旋剿蘇匪於麥達召斬獲甚衆十六年以功晉少將所部擴編為警

備第一師升任師長。五六年來剿匪所向克捷。歷著功績。十七年春所部第二團駐防武川西境。與區團失和交關。團長馬驥縱兵大掠縣城。都統汲金純逮會文治罪。獄具伏法。吉恒土默特旗人。曾任綏遠騎兵第五師團長。法義土默特旗人。曾任綏遠步兵第一營營長。李善慶歸綏縣人。曾任大同地方法院推事。陽曲審判長。圖們吉爾格列察哈爾廂藍旗人。曾任廂黃旗總管。阿林阿察哈爾廂藍旗人。曾任廂白旗總管。塔斯哈綏遠駐防旗人。官正藍旗佐領。貽穀督辦。西蒙墾務。延入幕府。專司會計。甚見倚重。民國以來。歷任綏遠道署科長。薩拉齊縣知事。石海薩拉齊縣人。曾任國民第三軍團長。

馬良字致遠。薩拉齊縣人。年十九畢業於山西斌業中學校。以守遼縣功。升連長。民國十五年國晉之役。作戰於蔚縣。升營長。次年春。升任團長。秋。晉奉之役。亦著戰功。十九年。升任山西保安隊旅長。已而仍任團長。二十五年一月。以肺疾卒。并垣時年三十六。

綏遠現代仕宦一覽表

姓 名籍貫官階畧

郭象 伋 歸綏縣 育廳長 教長 清光緒己酉拔貢。直隸補用知縣。民國歷任綏區學務局長。教育廳廳長。綏遠省通志館館長。

趙崇愷 同 前 陸軍部 軍需司長

侯封 魯 武川縣 綏遠高等法院院長 歷任山西方山縣承審員。興和縣知事。

李永清 托克托縣 和林格爾縣知事

潘秀仁 歸綏縣 育廳長 教長 國立北京農林大學畢業。歷任綏遠教育廳長。第一屆參政員。中國國民黨綏遠省執行委員。中央執行委員會候補委員。

祁志厚 薩拉齊縣 綏遠廳教長 美國哥倫比亞大學畢業。歷任省會中學校長。省黨部指導委員會委員。

閻偉 托克托縣 綏遠廳教長 比國國立高等紡織專門學校畢業。歷任之商部技士實業部漢口商埠驗局沙市分處主任。調充實業部技士。兼充中央工業試驗所薦任技士。

榮祥 土默特旗 土默特旗政府總管 北京中央政法專門畢業。歷任都統署政務廳長。綏西鎮守使署參謀長。綏遠省通志館編纂主任。

張欽 涼城縣 綏遠省政府委員 歷任本省高等法院院長。教育廳廳長。

張書田 同前 中央騎兵第二師旅長 陸軍中將銜。以功洊升旅長。

張濟川 同前 中央騎兵第二師旅長 陸軍上校。積功洊升團長。

書蕃 綏遠駐防旗 固陽縣知事 歷充墾務第五第六分局局長。

王懋 歸綏縣 陝西涇陽縣長 歷充河南內鄉縣知事。

李春秀 綏遠駐防旗 綏遠陸軍團長 歷任綏遠陸軍營長。團長。都統署副官長。全區警務處長。城防司令。

榮陞 閣 土默特旗 綏遠騎兵第五師團長 由行伍歷充警備隊長。騎兵第二團團長。補充第二團團長。

龔國華 歸綏縣 臨河縣長 歷任托克托。興和縣縣長。

李佑文 豐鎮縣 武川縣事

鄭桓武同
前
安北設治局局長

山西法政專門學校畢業。太原黨政學院畢業。

班廷獻同
前
平綏鐵路局長

歷任山西渾源縣長。翼城祁縣縣長。興和縣縣長。

張鳴鳳同
前
陶林縣知事

溫廷相同
前
托克托縣長

李士元包頭縣
山西保安大隊騎兵旅長

由行伍歷充山西義勇營長國民第三軍營長。

李根車土默特旗
綏遠騎兵旅長

松秀綏遠駐防旗
第五師團長

劉致祥五原縣
山西騎兵五師十旅二團團長

盧峻峰同
前
晉軍第四師團長

于存灝武川縣
包頭地方法院院長

北平中國大學法律本科畢業。歷任綏遠都統署審判處主任書記官。綏遠高等法院刑庭候補推事。兼代刑庭庭長職務。歸綏地方法院院長。

周生薩拉齊縣
晉軍團長

由山西武業學校畢業。積功升團長。

晉福同
前
三十一軍團長

由歸綏中學校畢業。十六年。積功升團長。

齊壽康 綏遠駐防旗 安北設治局長 由綏遠省立第一師範學校畢業。太原黨政學院畢業。曾任省政府視察員。代理和林格爾縣縣長。

郭良田 豐鎮縣 固陽縣長 北京師範大學畢業。曾任本縣教育局局長。省政府視察員。清水河縣縣長。

馬定國 薩拉齊縣 清水河縣長 山西省立法政專門學校商科畢業。曾任綏遠省教育廳視學。兼代省立第一師範學校校長。後任教五月。聽智學子。

樊庫 集寧縣 和林格爾縣長 中國大學畢業。曾任民衆教育館館長。

張登鰲 薩拉齊縣 涼城縣長 綏遠省立第一師範學校。太原黨政學院畢業。曾任省政府視察員。

劉繼堯 托克托縣 沃野局長 民國大學經濟科畢業。曾任包頭縣政府秘書。省政府科員。通志館採訪主任。

陳國楨 集寧縣 安北設治局長 太原黨政學院畢業。曾任歸綏市黨部委員。民衆教育館主任。省政府秘書。

